

ISISTERNA SOOPHWEYASA



Pwiya, miyo kinnaamini; Pwiya, miyo
kinnaamini,
Itthu sothene sinniweryaneya; Pwiya miyo
kinnaamini.

² Nikhale neemenle-ene okathi vakhani paahi ni nuuramihe miru sahu. Pwiya Yesu, hiyo nnehererya mwa enamuna ahu yo wiiveyiha, olavula ni Nyuwo, niipaka ela, wira hiyo ninnaamini. Ni hiyo ninvekela, Pwiya, wira vano, wira Nyuwo mutthikele mukawaka Eyolya y'Ekumi mwa hiyo, munivahaka ele hiyo entthun'ahu, mwa Masu Anyu. Maana hiyo ninvekela mwa Nsina na Yesu. Amen.

³ Mukilaathiki. Miyo kookupali mara, hiyo naarowa, vaakhanle wira kaamuhimya omalela wothene wa nuulumo “amen,” wira iparakha suulupale sa Muluku nlelo saamukhala muthukumano yola.

⁴ Miyo kahikilaathi vaasiis'ula n'uwiriyana oratta-ene muteko, wookisivela onamoona, inamuna soovirikana khula mmosa orin'awe w'olavula wawe. Ni owiwa anamurwa naanaano, munna muPaptista va yowo orwiye oveka nleveleo mwaha wo wuupuwela ovonya iwe wamukhani. Vano miyo—miyo v'eekkhai kinnimuttittimiha mutthu, mutthu oniwerya okhalana omutthu voophiyerya, wala—wala oolakeya voophiyerya wira, owo oonaru wira oovonya. Owo veekkhai khavenke nlevelelo wa miyo, kahi wa miyo owo aavekel'awe, waari wa Muluku. Vano miyo—miyo kinnittittimiha eyo, moone. Muluku amureerihe munn'ihu, ni munn'awe namalaleya a ehapari yooreera.

⁵ Wulu, muPatista ole, nyuwo moosuwela, miyo kaaniira mpantta wa ekereja Patista yoomi. Miyo kaari mpantta wa Ekereja Patista Missionaria. Okathi miyo onirw'aka eriyari y'atthu, koosuwela moota munon'anyu. Miyo koonaka enamuna emosaru, pahi oosareya etthu emosa yeyo miyo—miyo kahaasuwel'aka.

⁶ Miyo kinnuupuwela musuwelelo aka woopacerya wo omuweha mupentekosite, waari oDowagiac, oMichigan... miyo kinvekela nlevelelo anyu, miyo kaari oDowagiac mwa mukwaha mmosa w'orowa omisa, nto khaarwa kikhumaka oDowagiac, kikhuruwelaka oIndiana. Nto vano miyo kaahoona masina, a “Yesu” mukaroni sothene n'itthu siiso, ni miyo kaahiwiriyana miteko saya nihiku nno. Nto mmeeloni mwaya awo khukivekela owela vaplataforma, wira kihimye moolumo vakhani, vano miyo kaahiira. Nto miyo... Awo khukikoha ekereja xeni kiir'aka mpantta, nto miyo khwahimeerya wira kaari muPaptista.

⁷ Nto ohiy'ule awo yaahikhhalana mulopwana mutokwene ooriipa aarowa olaleya, nto owo aahaana wira aryene muhina mwa iyakha sawe miloko mithanu na ttharu sookiserya, nto owo khurwa vaplataforma. Mwapara owo mutokwene, awo yaahaana omuhoola. Owo aari, aawanre emosa wa ikasako iya soorakama s'oministeriu, mukala wa manri, ni mukala mwamukhani paahi wa efuru ya manri ootteela mukerekhere. Nto miyo kahuupuwela, "Alopwana othene ala va ni mateologo, atthu aalupale, moota xeni anihyerery'aya muteko ola ovahereriwa ni mwapara sintoko ole? Vano, mutokwene aahana okhala vakhaterani nipuro nno, akilanthi-ene."

⁸ Awo yaari alaleyaka nihiku nne mwaha wa itthu Yesu iiralyawe vathi va. Nto, masi owo onkuxa, aakunxe yosoma awe, miyo kookupali wira yaari mwa Yobi: 7, 20, eniira, miyo nkikupanlanxe wira Yolempwa-ene ti yeyo. Masi, ela ti ehimeryo, wala nipuro nimosa wa yeyo, "Nyuwo mwaari vai okathi Miyo waapattux'aka olumwenku, okathi ittheneri s'oxakaa siip'aya vamosa, n'ana a Muluku yaakhuwel'aya mwaha w'otteliwa murima?" Nto owo aalavula mwaha wa itthu siiraneya Wirimu, okathi awo yaary'aya alavulaka itthu siiraneya vathi.

⁹ Nto nipuro nno, voophiyeryaka minutu mithanu okathi owo aalavul'awe, owo, Eroho y'Apwiya yahimmana, nto owo khituphela osulu okhuma vathi khikumaniha ikosa sawe vamosa. Wulu, waahikhala opuro munci-ene, waahikhala wophiyeryaka nusu na plataforma ela; nto owo khirowa eettaka, khwira, "Nyuwo khamurina opuro omphiyerya va wira miyo kilalaye."

¹⁰ Vano, miyo kaarina iyakha soophiyaka miloko miili okathi ule. Miyo kahuupuwela, "Vaari—vaari wira eyo ennimwiiriha saale mulopwana mutokwene ole, exeni yaarow'aya okiiriha miyo?" Munnona?

¹¹ Wira nikhalihe itthu sothene soolikana-ene wa axinn'ihu asya, yawo hiyo vekeekhai nniwaakhel'ahu ni murettele mmuthukumanoni mwahu. Miyo kinnoona, miyo kookupali wira awo yahihimya mwaha wa namukuttho okilaanthi va, miyo kinnoona; vekeekhai, kikhanly'aka mw'Irlanda, atthu aka aKatolikaa. Nto vano yaahikhala tho ethoko, aPaptista ni ohiyana hiyana. Nyuwo poti muryene ootikinihiwa vakhani, okathi ovinre. Miyo kihoona wira khaavo mmosa wa axinna olavunle mwaha wa yeyo, masi miyo kahuupuwela wira kaamweererya olakiherya. Okathi Munna Shakarian... Vaviraly'awe mulipa-olavula oratta-ene va aari ootteliwaxa murima, w'osuwelaka wira Orwa w'Apwiya ori vakhiviruxa, owo—owo oolavula ni elavulelo yoohisuwanyeya, wa hiyo. Ni hiyo nookhalana alipa ootaphulela antaphulela. Yeyo, Yolempwa enihimy'aya, "Aahikhale mutthu ootaphulela, vano awo amaale." Masi vaari—vaari wira awo anlavula n'ilavulelo nto

vo ataphulele yeyo, eyo enikhala oprofeta. Vano munyakunyaku mukhani wa—w'atthu anli a yawo okathi mmosaru. Vano, eyo khiyari munyakunyaku vakhani vene, moone; okhala wira, mmosa a awo aanitaphulela, mukina aahimya s'eprofeta. Munnona? Vano eyo. . .

¹² Miyo koono wira kaamwaahiya axinn'ihu wiwa sana, vaari wira awo khayiiwale sana, okhala wira mmosa wa awo iira avahaka oratta-ene. . . Nyuwo moowehe emalelo y'okathi ya wakhula mmosa? Nto mukina aari oosareyaxa, mwanene, wira Eroho ya Muluku yaamuhimya s'oholo mwa mutthu mmosa; etaphulelaka, mukina aari ataphulelaka. Wira eyo ekhale yowiiweya, wira nyuwo. . . hiyo kханиhiyo. . . Imara sikina, mwa muupuwelo wa mutthu. . . Sintoko pahi munn'ihu ovekale nlevelo vaasiis'ula. Eyo ti yootikiniha vakhani wa mutthu ule ohinsuwela. Masi wa ale akenle, atokwene a ekhotto yeyo nry'ahu-mo, vano, hiyo ninnisuwela eyo, etthu itthu iyo sinihimya'aya. Vano miyo vekeekhai kuupuwela wira kaamuhimya etthu mwaha wa yeyo, yaakhanleru etthu yooreera.

¹³ Vano, miyo—miyo koosuwela wira va khinihiyo nipuro v'ohimya eyo. Masi okhala wira atthu othene anikhala ahimya itthu sikhani, miyo. . . Nyuwo moosuwela, mwaapar'ole khwira, mulopwan'ole mutokwene ooriipa khwira, “Nyuwo khamurina opuro oniphiyera wira miyo kilaleye.” Nyuwo khamurina *okathi* oniphiyera wira miyo kilaleye. [Muthukumano onooa ikuphi—Mol.] A iphumu sinci-ene.

¹⁴ Mulopwana mmosa aahimya nihiku nno, khwira, “Murumeyi mmosa aarimoorwa, owo aari pastore mukereja iyakha miloko miili. Nto owo okathi wothene aalaleyaka tu minutu miloko miraru paahi khula Ettiminku vaasiisu mukereja mwawe.” Nto owo khwira, “Ettiminku ela vaasiisu, owo khilaleya iwora ttharu.”

¹⁵ Nto vo nikhuru na matiyakono khimwiihana mpani, nto khwira, “Pastore, hiyo vekeekhai ninnoottittimihani nyuwo.” Khwira, “Hiyo khula okathi noosuwela wira—wira nyuwo munimwemerera Bibilia ni ihakhi Sawe.” Vano khwira nto, “Vano nyuwo khula okathi munninilaka wira hiyo nikhaleke owoona wira n'oloka ni oreera murima ohoolo wa Muluku. Nto hiyo vekeekhai ninnoottittimihani, ni hiyo ninnaamini wira nyuwo mwa murumeyi a Muluku. Nto hiyo vekeekhai woonisivela mutthak'ole vaasiis'ula. Masi,” khwira, “yookhala etthu emosa paahi hiyo entthun'ahu wookohani.” Khwira, “Hiyo nihoovahani okathi, ntoko nikhuru na matiyakono.” Khwira, “Khula Ettiminku vaasiisu nyuwo murina vekeekhai minutu miloko miraru paahi, nto olelo mwaari iwora ttharu.” Khwira, “Vano, muupuwele, hiyo ennisivela khula epantte aya. Eyo yaari yoolikana.” Amukhalihaka mpatthani mutokwene wona oreera, nyuwo moosuwela.

16 Owo khwira, “Ahe, axinna, miyo kinimoleelani moota enikhal’aya.” Khwira, “Khula vaasisu okathi miyo onrow’aka o . . . Miyo kinihaniw’aka vapulpitu,” khwira, “Miyo kinimuhela mmosa wa Life Savers ale akhani mwano mwaka,” owo khwira, “nto miyo kinimuphoota yole paahi.” Nto khwira, “Okathi Life Saver onimal’aya,” khwira, “eyo enkuxa minutu miloko mirarau paahi,” nto khwira, “vano miyo kinnihiya olaleya.” Owo khwira, “Nyuwo moosuwela, vaasis’ula, miyo koona wira kaahivikana okathi vakhani. Miyo kiroomuxuwa, miyo kaarina epitau mwano mwaka.” [Muthukumano onnitheya—Mol.]

17 Miyo nkinrowa ohela-mo hata etthu, vano hiyo ninwehererya wira nihikhalane ipitau munfukhoni mwahu. Masi hiyo na . . . Miyo kookupali wira eyo khayiiwen’ye ntoko oveeha va. Masi miyo paahi . . . Nyuwo moosuwela, hata Muluku ookhalana muupuwelo w’otheya, nyuwo moosuwela.

18 Vano hiyo nri ooxukhuru vanci-ene okhala va ni okhalana okathi ula w’opatthana, ni—ni ni mureerelo ola muulupale wira nikawane Eyolya y’Ekumi emara ekina, mwa enamuna aka yookhweya yamukhani. Miyo koosuwela, ntoko mateologo, ntoko mulopwan’ole olavunle va nsana ohiyu onikhuma Inglaterra; wulu, okinanara ovenya ottuli wa mutthu siisale, ni osoma waka wa ekalase ya neethanu na piili. Masi miyo kinromomela wira Muluku onimootaphulelani muupuwelo ori mmurimani mw’aka. Munnona? Moolumo aka yahikhale ooloka, s’otthuna saka, miyo—miyo kinnirromela wira, ti sooloka.

19 Vano nisome mwa Solempwa. Anci-ene a nyuwo onnaasivela otthara. Nto miyo kinrowa osoma vaasis’ula, mwa okathi vakhani, muLiivuruni mwa Yeremiya, profeta, ekapitulu 2, nto miyo kinrowa opacerya naanaano ni eversikulu 1.

Tthiri nsu n’APWIYA naahikirwela miyo, niiraka,

Murowe mwakhuwele owaruni wo oYerusalemu, mwiiraka, Siiso anihimya t’APWIYA; Miyo kinniwupuwelani, ophenta w’omiravo anyu, ni ophenta wo wakameliwa wanyu, okathi nyuwo mwaakitthar’anyu miyo mothakoni, ni mulaponi memmo mwahaaliwa.

Isarayeli aari ooreerihwa wa APWIYA, ni mulipu wo wincereriwa waya: othene ale anahaaxa awo ano . . . ni waatthekela; ehasara enimwaakhumelela yawo, anihimya t’APWIYA.

Nwiriyané nsu n’APWIYA, O etthoko ya Yakope, ni amusi othene a etthoko ya Isarayeli:

Siiso anihimya t’APWIYA, Yootakhala xeni axitith’inju akiphwanyanne aya miyo, wira awo ekihye khirova ottai wa miyo, ni khweettela itthu s’ethiru, vano amalenle ohikhala etthu?

Nnakhala awo wira, Ari vai APWIYA yawo anikhuminhe elapo ya wEjitu, ni khuneettiha mothakoni, eriyari ya elapo ehiniima ni ya malitti, eriyari ya elapo yowuuma, ni sa iphiphi sa mokhwani, eriyari ya elapo memmo ehiniwira hata mutthu, ni... hata mutthu ohinikhala?

Nto Miyo kihookelihani elapo yooruweriya, wira mulyeke mihokorokho saya ni sooreera saya; masi okathi nyuwo mukenlyanyu, nyuwo moohonona, elapo aka, ni mookhalaha exavo aka yoonanara.

Nto anamukuttho khahimye wira, Ari vai APWIYA? Ni anamasuka a ikano khayakisuwela tho miyo: nave makhulupale aakirukunuwela, ni maprofeta aalavula mwa nsina na Bayali, ni aheettela itthu seiyo sihinikhala mureerelo.

Tthiri Miyo kino...kinovirikanyana ni nyuwo, anihimya t'APWIYA, ni an'aya an'inju Miyo kinimwaavirikanyiha.

Nto...esisiro ela yoKitini, ni moone; ni oKedari, mwawehawehe oratta-ene yeyo, nto moone yakhala wira yookhumelela-wo etthu siisa.

Yookhala elapo ewakakhannye amuluku aya, yawo ahikhanle...ahikhanle amuluku? masi atthu aka ahaakakhanya ovuwa waya n'ile ehirina mureerelo.

Mukhale ootuthuwa, O nyuwo erimu, ni yela, ni mukhale oophweeliwa owoova,...ooripiwa murima wuulupale, anihimya t'APWIYA.

Tthiri atthu aka ahiira sootakhala piili; awo aakihya miyo ehimye ya maasi makumi, khuthipa isisterna, isisterna soophweeyasa, sihinwerya okhalana maasi.

²⁰ Apwiya yincererye iparakhha Saya mwa yoosoma wa Masu Aya. Nto miyo kaatthuna o—o okuxa yoosoma mwa yeyo, ntoko, *Isisterna Soophweeyasa*.

²¹ Okathi, w'osoma Yolempwa ela vaasiis'ula; yeyo, Yolempwa yothehe eniruhiwa ni muupuxeryo. Nto hiyo nnoorwa Mpaani mw'Apwiya wira nittharuxiwe ni wira nisuwele. Nto imara sikina seiyo hiyo nnoon'ahu e...etthu p'itthu yamukhani mphironi.

²² Sintoko mulopwana ola natoropa, okathi ovinre, aalavula ni hiyo ahimya aka itthu kamosa kamosa, seiyo khino alakela elapo ekina yookhalana epholovolo, wala—wala etthu emosa mwa muupuwelo yowo, nto hiyo nihaana ophwanya etthu emosa wira nivirikanyihe yeyo mwa—mwa enamuna y'owana ekhotto.

²³ Vano, etthu emosaru enniiraneya mukereja, eparokiya yeyo mutthu onlaley'awe, wala owo aari namalaleya a ehapari yooreera mmuttettheni. Okathi owo onoon'awe oviruwa, n'itthu emosa enipacerya paahi, erowaka, opacerya waya

wala enakhaleru etthu p'itthu; ti mulopwana owo, owo aari murumeyi a Muluku, okhoottiherya etthu iyo ottaixa wa muupuwelo w'atthu wira awo akhale ottai w'etthu iyo. Nto hiyo khanintthuna eyo wiiraneya, wira hiyo nikele mapuro sintoko awo.

²⁴ Vano, mwa okathi wa Yeremiya va, oprofeta awe, eyo saari iyakha soophiyerya miloko mithanu na mosa numala okhwa wa—wa Yesaya—Yesaya. Nto awo yaahikhala iyakha sophiyerya miloko mithanu na mosa ahirina profeta muulupale. Aahikhala Habakuki ni akina amosa amosa wa maprofeta akhani, masi Yesaya aari profeta muulupale ookiserya. Nto atthu yaahikalana, mwa okathi yola, khiyatonko okhalana hata mmosa wira owihane. Awo yaahiveveleya. Enamwi, awo yaari atthu a Muluku, yaahiveveleya mpakha mukhalelo ola vano yola—ola hiyo nnaaphwany'ahu-mo, okathi Yeremiya waaruly'awe waalopola yawo. Nto Yeremiya tho aari... Owo aahilopola ahinathi othamihiwa, nto owo tho aahrowa omalaponi ni yawo.

²⁵ Nto vo, vekeekhai, Daniyeli aahirwa n'uvira Yeremiya. Nto Daniel khwira wira owo aahikalana osuwela, mwa Yolempwa, wa iyakha miloko mithanu na miili saarin'aya wira awo akhale weiwo.

²⁶ Vekeekhai, aahikhala profeta mukina eriyari aya, yowo aatthuna okuxa muritti ula, okathi owo aakux'awe muxikoni mwawe, wira eyo yaarowa okhala etthu yamukhani, wira mwa iyakha piili, ahe, Muluku aamurowa waahokoloxa othene aya, masi Yeremiya aanisuwela vovirikana n'iyoy. Nto hiyo noosuwela etthu yaamukhumelela profeta ole aahimya etthu yoovonyeya, owo aamukhwa eyakha ene yeyo. Vano Muluku khaamuhiya okhala.

²⁷ Nto vano hiyo ninnoona tho mukhalelo w'atthu nihiku nle. Vano miyo nkinthuna wira nyuwu mukiiwe voohiloka, miyo—miyo nkihiyo, otthuna... mwa etthu miyo entthun'aka ohimya va, Solempwa kamosa kamosa ni s'olepa sikhani.

²⁸ Yaaniiraneya wira miyo nkaakhalana o—olepa Solempwa saka n'itthu siiso. Masi vamanly'aka ovira iyakha miloko miili ni thanu emara ya neenli, vano, miyo—miyo nkinuupuwela ntoko miyo suupuwelak'aka, vano miyo kinnikweretha Yolempwa emosa wira kisuwele, okhuma vaavo, vatthu onrow'aka. Nto okathi munci-ene wo waavekelela aretta, ni sikina, n'ukhuma n'urowa, miyo nkinkhalana okathi wo osoma vanci-ene sintoko miyo siirak'aka.

²⁹ Vano, masi profeta ola muulupale a nihiku nla, aari Yeremiya, owo aari etthu emosa mwa ikano s'Amosi ni anci-ene a maprofeta akina yaavennyey. Owo ahitannyeya okathi owo oonaly'awe mikhalelo s'elapo. Vano yaahikhala mapuro...

³⁰ Emara ekina nyuwo mwaalavulaka mwaha w'elapo emosa, eyo pooti wona wira enoonihereya mwa nimosa—nikhuru nimosa. Kahi yeyo. Eyo eyooniheryo yothene y'elapo eyo. Nto hiyo ninnoona wira, olelo, mmosa—mukhalelo mmosa woolikana olelo ntoko waaryaya mahiku a Yeremiya, wira elapo mmasaya, voomalela, yookela mwa, vakhani-vakhani, muhina w'amuluku eethiru; ntoko, miyo kiireke, ehiivalaanya ni Muluku. Nto mwaha wo wira siiso, eyo enkhalo otteettheya wa epulpitu. Okhala wira, vaari wira epulpitu yaamukhala oratta-ene, nto ni Masu a Muluku, Muluku aamukhala khula ekereja ntoko Owo oneett'awe eriyari ahu va. Masi awo aarowa ottai wa yeyo. Nto eyo t'itthu yeyo miyo—miyo kintthun'aka olavula vaasiis'ula. Nto vano hiyo ninnoona wira eyo ekekhahi voomalela khula okathi.

³¹ Miyo kookupali wira aari Amosi, ntoko miyo simuhimaly'aka yowo okathi vakhani, wira owo aahimye wira “khaari profeta, nnakhala mwana a profeta.” Masi aahiira, wira, “Okathi kharamu onikhuwel'awe, ti pani ohinoova?”

³² Nto aakhanleene mutthu otonko omwiwa kharamu a eekeekhai wiipa mutakhwani, ala nyuwo muniwiw'anyu mukayelani mmuttettheni mu animunla paahi. Masi mmosa iipaka mutakhwani, khula etthu enikhala yoowiryana. Miyo kootoko orupaathi mmuhuruni, wira kaaxaye. Nto owo ti mwene a maxeni, ni, okathi kharam'uwo oniip'awe, hata makusupu annihiya orunya, khula etthu ennihiya. A—amiici ni a—n'akhusupa akhuwelaka, ni inama sikina, mwene a ittiikwe n'akhole, makusupu, nyuwo munimooceela wiisiwa muupuwele; masi ottai wene kharamu akhuwelarua, nto khula nikusupu nnoomaala orunya. Moone, itthu sothene sinimoova yowo. Inamwi, sikhanelene itthu sinci-ene sinwerya omwiwa, masi owo onsuweliwa ntoko mwene eriyari ya maxeni.

³³ Owo iirale wira, “Okathi kharamu onikhuwel'awe, ti pani ohinoova?” Owo khwira, “Vano Muluku oolavula, ti pani ohinwerya olopola?”

³⁴ Nto eyo ti, miyo kinuupuwela, mukhalel'owo onlikana ni mutharamulo yole tho olelo. Muluku oolavula. Munnona? Ni hiyo ninnoona yolempwa ya vaxirini, vano ti vookhweyaxa olopola ni wona wira hiyo nri okathi wookiserya.

³⁵ Ni hiyo ninnimoona Muluku, mwa khula mpantte wa miromolelo, okhuma Ekatomika, muhina mwa ikereja porotestante sothene, maBuda ni exeni tho, okhuma oHintia, ni etthu p'itthu ekina. Owo oniwiiana athu Awe vamosa, aatakanihaka vamosa. Nto miyo ki—miyo kinnitteleliwa murima mwaha wa yeyo, wona nihiku nna nirw'aka. Vano hiyo. . . Nna ti—nna ti nihiku nuulupale, mmosa wa mireerelo suulupalexa.

³⁶ Wira, vaari wira miyo kaahaana, vaari wira miyo kaanisuwela ohinathi okhala olumwenku, okathi hiyo

waary'ahu minepa epantte emosa ya Muluku, yeyo hiyo nikhanly'ahu, maana hiyo naari ni Yowo ohinatthi opattuxiwa olumwenku. Okhala wira, eri enamuna emosa paahi y'Ekumi Ehinimala, nto eyo ti Muluku. Nto hiyo na epantte ya Yowo. Hiyo khinaakhanle wira hiyo naamusuwela ni—ni naamuwerya wuupuwela, n'ukhala; masi hiyo naari mmuupuweloni Mwawe mwa ele hiyo naary'ahu, ohinatthi opattuxiwa olumwenku. Okhala wira, hiyo na epantte a Yowo, ntoko mwan'aka owo epantte aka, ni miyo ki epantte ya atith'aka, ni siiso. Hiyo n'ana axilopwana n'axithiyana a Muluku, mwa osuwela Wawe khalai.

³⁷ Nto ottuli wu, vaari wira miyo kaaniwerya osuwela ntoko sinsuwel'aka vano, ni kaawenrye oweha evirelo yothene y'okathi, nto Owo aamukihimeerya miyo, "Okathi xeni nyuwo ontthun'anyu okhala?" Miyo kaamuhimya wira okathi yola naanaano va, makaaripi yaala a wo—w'omalelani wa wahala a olumwenku, ni w'okhuveelani w'Omwene wa Muluku onirwa okhalihwi vathi—va. Miyo kinoona wira p'ukathi wo ovuwaxa mwa okathi wothene, ti naanaano va.

³⁸ Hiyo ninnoonaa va wira Isarayeli onlokohiwa ni profeta, okathi Muluku aamurumaly'awe n'unveleeliha, awo yaahilokohiwa mwaha wa itampi piili suulupale. Nto hiyo ninthuna olavula mwaha wa itthu seiyo piili awo yiraly'aya. Vano, mwa yeyo, hiyo ninthuna nikele oholo ni yeyo. Vano, awo yaahimuhiya Muluku, Ehimye ya maasi makumi, khuthipa mmansaya isisterna. Awo yaahihya etthu Muluku aavahaly'awe, nto khuthipa mmansaya etthu yeyo awo yaapakaly'aya mmansaya. Vano isisterna iya, nyuwo munnoonaa, owo aahikhalana, iyo saahikomowa ni saamuvuuva.

³⁹ Vano, esisterna yoophweeya kheniwerya okhalana maasi. Eyo enoovuviha. Miyo kileliwe omatta, nto kinnisuwela esisterna exeni, ni mukatthamiho ninkhalan'ahu ni yeyo.

⁴⁰ Nto esisterna ela yoovuva ti—ti elatarato yoophwanelaxa, miyo kinoon'aka, ya nihiku nla, nenla okathi (awihu) itthu sothene hiyo neerenry'ahu wira, waatakanxa alopwana vamosa, waatakanxa atthu vamosa, otakanxa ikereja vamosa, eyo enikhala khula okathi mwa mukhalelo wo weererya w'ankhili. Hiyo niheererya waakhaliha aMetotista othene okhala aPatista, nno ni nno, ni miromolelo soohiyana—hiyana. Nto eyo khayari etthokiheryo ya Muluku, opacerya wene.

⁴¹ Muluku orina nipuro nimosa paahi n'okumana. Owo ohimye mmo muLiivuruni mwa Okhuma, wira, "Miyo koothanla nipuro n'ohela Nsina Naka, nto nno ti nipuro nimosa paahi Miyo onrow'aka okumana n'atthu." Nto Owo aahithanla nipuro wira ahele Nsina Nawe. Nto vaavo aahenly'awe Nsina Nawe, ti vaavo Owo aakuman'awe n'Isarayeli. Owo ookhalana nipuro nimosa vavo Owo onkuman'awe ni ekereja Awe olelo, nto Owo othanlale Nsina nenlo, ni Nsina nlo ti Yesu Kristu. Nto

vo ti vatthu Owo onkuman'awe ni mulipa-owaamini eekeekhai, okathi owo onkhal'awe mwa Yesu Kristu. Ti vatthu Muluku othanlaly'awe wira ahele Nsina Nawe.

Nyuwo muniira, "Nsina na Muluku?"

⁴² Owo ohimye wira, "Miyo kirule mwa Nsina n'Atitthi Aka." Vano ti vavo Muluku ohenly'awe Nsina Nawe, waari mwa Kristu. Nto mwa Kristu ti vatthu hiyo onwery'ahu othene okumana vathi v'Ephome emwaraxiwe, nto vavo wookhala-vo opatthana w'ekeekhai, w'exariya.

⁴³ Muluku aahipaka mutthokiheryo Awe wopaceryani, omatta wo Edeni, vavo nipuro Owo aarow'awe okumana ni mutthu, nto nno khanaari vasulu v'esuwelelo w'osoma; vaari siiso, Hawa aari vekeekhai muhina wa mutthokiheryo Awe. Masi hiyo noosuwela wira owo akupaliki otthokelela w'ankhili a Satana, "Vekeekhai, Muluku khaniira," masi Muluku aahimye wira Owo aamwiira! Nto vano siiso Owo aahithanla nipuro na nvuluxo, nto eyo yaari n'Iphome, vano kahi n'utthokelela w'ankhili.

⁴⁴ Vano hiyo nnimana epheyo paahi, masi owo vekeekhai ti mukhalelo wa mutthu wira—wira atthu animweererya wi—wi wira yeyo. Vaari wira nookhalana okathi, hiyo naamuwerya ohimya ipantte ipantte, masi miyo nkinthuna epitau iyo. Vano hiyo ninrowa weererya okhaliha yookhweyaxa ntoko enweryaney'aya, "isisterna soovuuva." Nto hiyo ninnoona wira eyo—eyo yokhumelela tho mara, eyo eyoniheryo emosaru y'okathi ahu yola onkhal'ahu, wa ohovela wahu wothene.

⁴⁵ Nto kahi mahala wiilipiha wothene wa khula murumeyi a Muluku, vaxariya oniromol'awe Nsina na Yesu Kristu. Owo aahaana okhala oottittimihiwa mwaha wo oromola Nsina Nawe paahi ni nlemeliho ni nttittimiho. Nto miyeettiheryo suulupale sa ehapari yooreera sinivira mulaponi, ni itthu sikina, mahiku ala ookiserya, miyo kinoona wira, nlelo hiyo khaninrowa okhala oowerya wakhaliha atthu murima mmosa mpakha hiyo naakelihe vathi v'Ephome ya Yesu Kristu. Vo ti nikhanle nipuro nimosa paahi hiyo onrow'ahu okhala oolipa.

⁴⁶ Mutthu mmosa aahikilikarela kahi khalai, a epantte Onikhuma nsuwa, nto khwira, "Munna Branham, miyo kiniwi wira mookhuma murowaka wa—wArizona, ni khuttokiha ni—nipuro nimosa weiwo vavo vari elipelo." Nto ntoko nyuwo sinsuwel'anyu enamuna Mutthaka orwiiy'aya, ni Apwiya khukileela etthu yaarowa okhumelela wAlaska, ni mpakha California mota aarow'awe okhala, nto eyo enikhala siiso. Awo khwira, "Vano vaari wira eyo enoottokinyeya, n'itthu sothene, nipuro xeni nri noolipaneya?"

⁴⁷ Miyo khwira, "Nookhala nipuro nimosa noolipaneya miyo ninsuwel'aka. Nno ti mwa Kristu. Maana ale ari mwa Kristu, ano. . . ." Ti nenlo nimosa paahi miyo ninsuwel'aka.

48 Vano Yeremiya aahaniwa, tho, “profeta owiikhupanyerya.” Nto okhala wira, miyo kookupali wira, eyo ti yaamukhaliha profeta ola wunlaseya—wunlaseya, kiireke, yaari mwaha wowi owo aryene profeta (ni Masu a Apwiya animurweela yowo) ni awoonaka atthu weettela iphattu saya, ni wuupuwela wira yaari sana, ni khiyavo nnakhala enamuna yo ohiya seiyo.

49 Tthiri, awo yaarowa mpakha omalaponi, okhala wira hiyo noosuwela wira nyuwo munihepha ele munaal’anyu, voohitthariha ole nyuwo mury’anyu, ele nyuwo mury’anyu. Nto hiyo sintoko elapo noohepha, wala, kiireke, nihaala, nto nihaana ohepha. Miyo kinoolavula melo, Apwiya yatthuna, makaaripi, mwa *Owereya W’oyara*; ni miyo—ni miyo kinoohimya eyo memmo, wira hiyo khaninwerya orowa oholo w’ohitthu. Hiyo nihaana ohepha ele enaal’ahu.

50 Vaakhanle wira Muluku aamunihiya orowa n’uhononeya wahu w’oKristu olole, ni naahononaka atthu mwa itthu iya siniihaniwa oKristu, ntoko Munna Moore otonkw’awe ohimya, “Owo vexariya aamukhala ookhanyereriwa waahihimuxa aSotoma ni Komorra, ni waavekela nlevelelo mwaha wo waapahasa.” Eyo ekhweli, okhala wira Muluku nlelo naxariya. Nto vavo ohixariya onikhal’aya; eyo—eyo enikhala mwa osantu Awe ni Masu Awe wira Owo onnaahephiha atthu ele awo anaal’aya, ni hiyo nihaana wira yeyo.

51 Vano nwehe awo yaahimuhiya Owo, Ephattuwelo ya maasi makumi, nto khuthipa isisterna mmansaya.

52 Vano pooti okhanleene mutthu ohinsuwela esisterna exeni. Esisterna etanki enipakiwa ni mutthu yeyo eneerya okhala nipuro n’ehimye. Eyo etthu emosa mutthu othimpy’awe. Vano atthu akavi ansuwela ele ekhanle esisterna? Vaareera. Vaatepa oreera, atthu anci-ene a mukuluttuni va vaasiis’ula. Vano awo... Miyo kinnuupuwela esisterna ya khalai owani, mota yaakhal’aya, ni miyo khula okathi kaakhala owoova owurya v’etthu yeyo. Eyo yaari e—etanki yoopakiwa ni mutthu. Nto nnakhala khenikhala yoororomelaya. Khivanweryaneyaya ororomela esisterna.

53 Vano khula etthu mutthu onipak’awe khenikhala imara sothene yooreera. Masi sintoko pahi a—Apwiya ahenly’aya okathi mu—mu—mu erukunuwelo aya, n’urukunuwa w’elapo; khula eyakha, khula okathi eyo enoorukunuwa, khula nihiku, khula ewora, ni nsuwa nitupweelaka, nto eyo khenatoko ovonya. Masi iroroco iyo sooreeraxa hiyo nniwery’ahu okhalana, sinoovonya minutu sinci-ene mwa okathi wa mweri mmosa, vekeekhai. Masi, nyuwo moone, itthu sothene Muluku onipak’awe ti sooloka, nto ele mutthu onipak’awe ti yoohiloka. Vano mwaha wa xeni okupali ele mutthu onipak’awe, vaweryaneyaka okhalana yooloka?

54 Miyo okathi wothene kinnihimya yeyo mwaha wa hiyo atthu aPentekosite. Moone, hiyo noosuwela, ni hiyo khaniri—hiyo kxanihin'ye nikano vekeekhai, na Muluku, hiyo kxaninkupali; masi hiyo noosuwela tho wira eriyari ahu hiyo nookhalana atthu aneererya omutakiha mwaapara mukina. Eyo vekeekhai ti ya mutthu. Awo anoohovela wira yeyo. Awo yaahiira eyo mBibiliani, “Mmosa, ‘Miyo ki a Paulo,’ ‘Miyo ki a Sila,’” ni siiso. Masi awo—awo aneererya otakiha etthu mutthu mukina iraly'awe wala oniir'awe.

55 Masi mwaha wa xeni nyuwo mwarow'anyu okupali mutakiheryo wowootha, osulu sisaren'yeene itthu sooloka, okathi “natiri oraya awinyu ni a an'inyu”? Mwaha wa xeni naarow'ahu okupali etthu eri yoovirikana? Mwaha wa xeni naarow'ahu okuxa eyaminelo wala nlakano, Bibilia aryene Masu a Muluku oohihononeya? Mwaha wa xeni naarow'ahu weererya wincererya—mo wala okumiha—mo, Pwiya Yesu ohimmyeene mwa Wisuupulula 22:18, “Akhala mutthu onrowa ovukula Nuulumo nimosa Mu, wala wincererya nuulumo nimosa Mu, mpante awe onookumihiwa—mo muLivuruni mw'Ekumi”?

56 Okathi Muluku ohenly'awe woopaceryani nloko na atthu mu...mulaponi, Owo aahimeenrye wira awo akhaleke ni Masu Awe. Vano Masu a Muluku ari ntoko nikwicili, nyuwo munlapuwa mokhwani ni Nenlo; nto nikwicili naya nnikhala vooreera vaya va nlutteni vaya nootteettheyaxa, nto Muluku onthuna wira hiyo nisukeke khula Nuulumo Naya. Vano eyo yaari yoopacerya ya Bibilia; ovirikanya Nuulumo nimosa paahi, noopwiniha nloko n'atthu mw'epiphini ya mokhwani.

57 Yesu orwiye eriyari ya Bibilia, nto Owo ohimmye wira, “Mutthu khankhala mukumi ni yolya paahi, masi ni Masu othene.” Kahi epante emosa paahi ya Masu, wala miloko mithanu na xexe mwa emiya emosa; masi Masu othene, pahi ntoko Hawa ni Adamu yaary'aya.

58 Nto wookiseryani wa Bibilia, Wisuupulula 22:18, Owo ohimmye wira, “Akhala mutthu onrowa ovukula Nuulumo nimosa Mmo, wala wincererya nuulumo nimosa Memmo!”

59 Vano mwaha wa xeni hiyo ninthun'ahu okeliha—mo Muumu miyuupuwelo sa mutthu mukina sa itthu, owo oryene Muupuwelo wa Muluku Mwanene mwaha wa yeyo? Hiyo ninthuna okuxa ele Owo ohimmy'awe. Nave tho eyo yolempwa, “Moolumo othene a mutthu akhale owootha, masi Awaka akhale Ekeekhai.”

60 Owo ti waari mwaha ni profeta ola. Mahiku a Yeremiya, owo aari profeta, owo aahikkhalana Masu aApwiya. Nto mwaapar'ola aatthuna okeliha etthu Memmo. Vano, eyo khenikhala yoororomeleya. Nto miyo kinlattaniha itanki iya vano ni miyeettihero iya hiyo neerenry'ahu okuxa, ni okhaliha nipuro na Masu a Muluku eekeekhai.

⁶¹ Maana, khiyaavo etthu eniwerya okhala nipuro na Yawo. Awo Mulukuu. “Wopaceryani naari Nsu, nto Nsu naari ni Muluku, ni Nsu naari Muluku. Vano Nsu nihiipaka erutthu khukhala ni hiyo.” Ni aHeperi 13:8, ahimnye wira, “Owo mmosaru nsana, olelo, ni mahiku othene.” Hiyo nniwerya sai wukuttha-mo yeyo Mmo? Eyo ehaana okhala Ekeekhai. Owo onikhala mmosaru. Owo mmosaru mwa khula ekano.

⁶² Tivo nyuwo anoosivel’ayani Yawo, nyuwo aPaptista ni aMetotista, ni aKatolika ni aPrespiteriyano, n’akina, onoosivel’ayani Mukhalelo owo. Nipuro nlo, mwa nyuwo, nyuwo muroomukupali Muluku. Khino emara ekina mwa enamuna y’ankhili, khino nyuwo muhoona Owerya wa Muluku, nto nyuwo mwa murumeyi a Muluku; masi okathi nyuwo munwery’anyu vekeekhai orwa wa Muluku, khusuwela nipuro nanyu mwa Yowo, ntoko mwana mulopwana wala muthiyana a Muluku, eyo t’eniruuha otthapa iwe wuulupale mwa nyuwo, yeyo Muluku otthunne awe wira nyuwo mukhalane.

⁶³ Vano hiyo ninniweha mwa Marku Owarya, ekapitulu 16, Yesu khahimnye wira, “Murowe mulaponi mothene, ni—ni—ni mwixuttihe.” Owo ohimnye wira, “Murowe mwalaleye Ehapari yooreera.” Olaley a Ehapari yooreera, t’ila, wooniherya Owerya wa Eroho Yowarya! “Murowe mulaponi mothene, mooniherye Owerya wa Eroho Yowarya.”

⁶⁴ Kilavulaka ni munna mmosa, mmosa wa akhapeleli mu . . . muthukumano aka oHintia, oBombai wu, ohitto wAfrika du Sul ni mapuro oovirikana, weiwo alaleyi yiixuttihaly’aya Yawo ntoko nuulumo wala ntoko etthokelelo y’ankhili. Masi nihiku nimos a vamuthukumanoni, okathi Eroho Yowarya yaakhurunw’aya, Eneene, khiwoopola anamikhumi a elapo yeyo ikonto miloko miraru mwaha wo wihana omosa waltari, ni nipuro nenlo vavo awo yeemenly’aya. Athiyana yemenleene vavo, yawo yaari epwitipwiti voolikana ntoko saary’aya okathi awo arwiiy’aya mulaponi, nto minutu ene yowo awo khuvenxa matata aya wira emwaakhele Kristu . . .

⁶⁵ Nto Eroho Yowarya khikhuruwela nipuro nenlo khwaavoniha atthu ikonto miloko miili ni thanu emara emosa, waahiya ale a mukhaterani ya irota, molili ni maxira. Mukhulupale a mmuttettheni khukithonyerya, mmeloni mwaya, nkawehani ikaro iye soosareya sinrowa ohitto mphironi.

⁶⁶ Axithiyana ale yeemenleene vale, epwitipwiti, ahisuwelaka wira yaari epwitipwiti. Masi naanaanoru okathi Eroho Yowarya yaamanaly’aya, awo yaahikhuraaniha miyono saya wira akhume ohoolo w’axilopwana aya.

⁶⁷ Nto miyo kinnixanka wira mota xeni wira hiyo wAmerica nniisiihana elapo y’Okristu, nto Ohoolo wa Muluku; nto khula eyakha hiyo, axithiyana ahu, animwiirula tho. Nto nyuwo mwaahaana okhala oowaraxa tho. Vano okathi muniwarax’anyu

ya Kristu, nyuwo munookhala oosuwelaxa makhalelo anyu mmansinyu. Emara ekina miyo kinnoona enamuna atthu anii'aya mphironi, miyo kinnixanka vaari wira vekeekhai etthu yooloka vootthokelela. Enikhala ntoko awo khansuwela wira awo yiiraka yeyo, awo anii'aya, awo aniiikhaliha ecampo ya xetwani, ni oroiha minepa omooroni. Eyo ekekhahi. Masi olumwenku ori woopahuwa sintoko waary'aya mahiku a Yeremiya.

⁶⁸ Vano nitthikelaka musisternani. Vano, esisterna khenikhala yoororomeleya okhala wira eyo kheniwerya wiisariha mmansaya. Nto ehaana ororomela ipula sinrupa vaavo wira esarye, ipula sinrupa vavo wala muhakalaliho wa vaavo, okhalana muhakalaliho mwamukhani *va* ni muhakalaliho mwamukhani *iwe*, wala sikina, wira ekhale yoosareya. Vano eyo khenkhala yoororomeleya. Eyo kheniwerya wiisariha mmansaya. Eyo ti yoohiphiyerya, mmansaya. Eyo kheniwerya wira siiso. Eyo ehaana ororomela ipula, wira esarihe.

⁶⁹ Vano nrowe niwehe vatthu eyo—eyo eniphwany'aya epula aya, vatthu eniphwany'aya maasi aya, esisterna. Awo anikhuma vasulu va matatha, ipwaro, memmo ikokhola sothene ntthupi ninvekhulel'aya vaavo, nno ninrapiheliwa v'epulani, nto sinakhuruwela mpakha musisternani, etanki yoopakiwa ni mutthu. Eyo enkhala yoolikana ntoko efoosa. Nto eyo enoorapiha vasulu va ntatha vavo inama sothene, sowunkha mw'ehilini, ni sikina, ni sinthukuman'aya. Nto epheyo envekhulela n—ntthupi n'itthu vantathani, nto ipula sinrupa vavo sinimoorwa n'urapiha, epula, voohilokela.

⁷⁰ Nto vo maasi ankuxiwa ni mukhulaku woopakiwa ni mutthu ni mpompe woopakiwa ni mutthu, mpakha mutankini yoopakiwa ni mutthu. Nto vo okathi awo ankel'aya mme, awo ankhala a nikhurumela, a nikhurumela vanci—ene entthuney'aya nyuwo ohela ekikittho ya ntapwatta vavo, ahiso nyuwo khamunwerya owurya. Vano, moone, awo t'orapihaniwa epatho, ni mukhulaku woopakiwa ni mutthu, mpompe woopakiwa ni mutthu, mpakha mutankini yoopakiwa ni mutthu. Nto vo ni ekikittho yoopakiwa ni mutthu vasulu vava, wira yooneye sinto axikokho akina n'itthu sinnihala ottuli.

⁷¹ Vano, vano hiyo ninniweha, mwa seiya, mahiku vakhani vanimal'aya maasi okela mmo, mwa muromolelo ola woopakiwa ni mu-. . . , wala, etanki. Mukilevelele. Mukilevelele. Vaatepa oreera. Numala eyo—eyo vanimal'aya orapihiwa, ni enamuna sothene sa ateologia n'itthu sinrapiheliwa memmo; vano hiyo nnirwa wona wira, okathi awo ankel'aya mme mahiku vakhani, ankhala ootakatta.

⁷² Nto khula mutthu onnisuwela, mwa wahala a ekereja, okathi Muluku onvelelih'awe etthu, mutthaka, owo onkhala musya okhumaka wa Muluku, nto vanivir'aya e—ekumi ya mulipa-

opacenyrye (wala poti okhala etthu p'itthu, nyuwo munimwiihana namareherya, wala khula etthu nyuwo muntthun'anyu ohimya mwaha wa yeyo), vanimal'awe okhwa, nto awo ankuxa eyettihelo yatthokihawe n'upaka mutthenkeso. Nto awo amalakaru opaka mutthenkeso mwa yeyo, owo onookhwa vaavo vene. Owo khonkhakhala ovenyaka tho. Owo ohiira siiso wa khula okathi, ottuli, muwehawehe ottuli.

⁷³ Mwa onvaha nttittimiho namukuttho muKatolika ola okilaanthi va; okathi Muluku ottokihaly'awe ekereja. . .wala, kahi otthokiha, Muluku khatonko otthokiha ekereja. Owo khakhanle muhina w'anyakoso ntoko awo. Owo ori moyariwani, kahi mutthenkeso. Vano, okathi Muluku opacenyry'awe ekereja Nihiku na Pentekosite. Nto vo vookiserya oNicea, oRoma, awo arootthokihasa, nto vavo ti vatthu epwetexal'aya Owerya waya.

⁷⁴ Vano hiyo nnirwa nikhuruwelaka mpakha orehererya wa Lutero, nto eyo yaari etthu yuulupale. Masu a Muluku yahivahereriwa, "Naxariya onookhala mwaha wo wamini." Nto okathi awo yiraly'aya, ohiya ovenyasa, othene vamosa, othene aya vamosa n'urowa ohoolo, awo yaapanke ekereja Luterana, yivalanyihaka mmansaya nnikhuru nna, nto vavo eyo erimookhwa.

⁷⁵ Vano Muluku khunvenxa John Wesley, ni oreerihwa, mutthaka wa muteko wa neenli wa mahala, nto eyo yaari etthu yooreerexa. Masi vaviraly'awe Wesley ni Asbury, awo khutthokiha, eyo khukhwa.

⁷⁶ Vano ohoolo khurwa aPentekosite ni wuuluuliwa wa soovaha. Awo yaaneetta oratta-ene, exeni ekhumelenle? Arootthokiha nto eyo khukhwa. Siiso pahi.

⁷⁷ Vano eriyari ya sothene iya, Muluku nlelo oniwiihana ale ahanle mwa khula nimosa wa maloko ala. Owo onimwiihana vekeekhai. Nto ola okathi ahu w'okhuma, w'othukumana vamosa. Nto eyo t'iyoyi miyo kinoon'aka wira, Alipa a Nakoso a Ehapari yoorera Yoomalela annivara epantte yuulupale apwexakasaka ixiri iya, ni yiraka wira, "Khivo evirikanne mwa hiyo. Nrowe nikhale vamosa nimukokhorele Muluku muhina wa ekano emosa, kahi muhina wa mutthenkeso." Yaakhanle mutthenkeso, miyo kaamukhuma vaplataforma va naanaano. Miyo nkirina nata n'iyoyi.

⁷⁸ Exeni iyo, eyo ehaana okhala opatthana, nto kahi opatthana wa eyaminelo emosa, masi opatthana mwa Kristu, ni owerya w'ohihimuwa Wawe. Eyo t'itthu enruuha Ekumi, eyo enruuha oyariwa.

⁷⁹ Nto ohinatthi orwa oyariwa, hiyo noosuwela wira ohaana okhala okhwa ohinatthi okhala oyariwa. Nto oyariwa ti woottakatta, miyo khenikicala sinto enamuna xeni y'oyariwa. Mwaari munikhomani mwa ikuluwe, wala-wala nipuro pi nipuro, ti woottakatta. Nto ti siiso ory'aya Oyariwa vasya, eyo

ennopakihani itthu nyuwo mwahuupuwel'anyu wira mwamwira voolimaleleya. Masi nyuwo mwakhalaru oolikana wira mukhwe mmansinyu, vano nyuwo munooyariwa vasya, mutthu musya mwa Kristu Yesu, nto itthu, sinootthukuwa ni makhalelo anikhala wona musya wa nyuwo, okhala wira nyuwo mookupali Omutthu wa Yesu Kristu, nto kahi muupuwelo wala eyaaminelo.

⁸⁰ Wala, hata mwa Masu oolempwa, Awo ahaana ovahiwa ekumi ni Eroho Yowarya. Hata mukhalanaka teologia owaatta, owo onkhala vaavo ookhwa-ene. Miyo kaamuwerya okhalana nikuphi nimoso n'etiriku; mpakha eyo okela mwa enamuna emosa vaavo enwery'aya okhalihiwa ekumi, etriku iyo khenkhalana ekumi. Nto nyuwo pooti okhalana eniivele y'etotori, Ph., LL., khula etthu enthun'anyu; masi mpakha Eroho Yowarya orwa vasulu vaya khukhaliha yeyo ekumi wa nyuwo, ntoko musuwelelo mmansinyu ni Muluku, nto etiriku iyo khenkhalana mureerelo. Osoma wanyu ti w'ethiru.

⁸¹ Sintoko mulopwana Mwinkelesi ola ahimnye ohiyu ule va, miyo kaari ootikinihiwa vanci-ene mwaha wa yeyo. Soowixutta sothene owo aarin'awe, ntoko Paulo, owo aahaana oliyala sothene aasuwel'awe, wira amphwanye Kristu, wira itthu owo uupuwel'awe wira khaarowa wira.

⁸² Masi eyo ti enamuna Muluku oniir'awe, Owo onooniyeviha mwa enamuna y'osoma wahu. Kahi wira miyo kintthuna okhaliherya ohisoma, masi miyo kintthuna wooleelani ovirikana waya. Osoma khonwerya nnakhala oruuha Ekumi. Entthuneya Eroho ya Muluku wira eruuhe Ekumi, nto Ekumi iyo ehirweeke wa muhakalaliho wa masomelo paahi. Eyo ehaana okhuma mBibiliani, muhakalaliho wa Masu, ni Masu awo mamosaru nsana, olelo, ni mahiku othene. Nto Awo yaamoraka olelo, n'uvaha ekumi, nyuwo munookhalana soophwanya imosaru mwaarin'anyu mwa Miteko 2. Vekeekhai. Eyo khula okathi ehaana, ni enookhala khula okathi, okhala wira eyo Eroho ya Muluku enrehererya mukhalelo.

⁸³ Entthuneya mukhalelo w'opaka itthu. Tivo nyuwo alopwana munkhal'anyu kwekwe owiixuttihiwa, "Mwaaruuhe an'inyyu va." Ahe, vekeekhai eyo ti yooreera. Miyo kaahithapa omoona mwan'aka, Rebekah, ovolowa khukilaathi, minutu vakhani paahi sivinre. Akina a nyuwo akoona miyo omwaaphilela muthiyana mmosa, owo aari mwan'aka mwamuthiyana, nto aaroovolowa khukilaathi. Miyo kintthuna owo aakhele opatiiso wa Eroho, nto tivo owo oryawe vava vamuthukumanoni. Eyo t'eri etthunelo aya. Entthuneya mukhalelo.

⁸⁴ Ntoko mutokweene Totori Bosworth aahimyak'awe wira, "Nyuuwo poti okuxa nooce na mwalyakhu khimupweherya mwalapwa, nno nimmutothola mwalyakhu." Mwaha wa xeni? Okhala wira nno nooce ni nookhalana mukhalelo aya.

⁸⁵ Miyo khenikicala mwaari Metotista, Patista, Prespiterianu; mwa mukhalelo wooloka, owo onootothola mwana a Muluku ooyariwa vasya. Owo mukhalelo oniira etthu iyo, hata wira murina maarakha xeni a muromolelo.

⁸⁶ Kaanisukihaka imompe. Miyo kaanimoona musunka a etakhwa okathi hiyo naakux'ahu mpakha mutakhwani, ota wa—ota wa mapuro oolyiha ohitto muxaavoni, n'upweha mmihuruni. Owo aamuvenya vo n'uweha okathi saavir'aya vamukhora, munikhomani na arame. Owo khatonko oxikha vanci-enexa maarakha, okhala wira yaahikhala inamuna sothene sa maarakha saavolowa mme. Masi yookhala etthu emosa owo aaweh'awe, muthinto w'ephome. Eyo yaahaana okhala a ephome yoolikana Hereford ahiso eyo khiyaakela mutakhwani mme, okhala wira ti Nloko na Hereford onlyiha etakhwa ele. Eyo yaahaana okhalana muthinto w'ephome, wira osukiwe muxovo oratteene.

⁸⁷ Nto miyo kinoona wira eyo enamuna enrow'aya okhala Nihiku n'Olamuliwa. Owo khanrowa okikoha sinto kaari Metotista, Patista, muPentekosite, wala Prespiterianu, masi Owo onrowa oweha muthinto w'Ephome. "Miyo koonaru ephome kinoovira vasulu vanyu." Eyo t'ekhanle etthu.

⁸⁸ Vano hiyo ninnoona wira isisterna iya, awo vamanly'aya okilaathi okathi vakhani, iyo okhala...iyo saahikhala soottakatta nto khisihiyo sooreera. Nto sinikhala, nave tho, ithoko s'anaphulu ni anawookho ni inowa ni axikokho ni miropo, ni ikina tho, okhala wira owo mukhalelo woottakatta opuruleliwe memmo. Nyuwo munniwerya otthokelela, maasi a vasulu va ntatha, wala vampa vakhiviru ni ntatha, wala khula nipuro vaarow'aya okhala nikhurumela, muthinto xeni w'axikokho ni miropo, n'itthu sothene, sinrapiheliwa musisternani mu?

⁸⁹ Vano, eyo ethoonyeryo yoolikana ya khula muthinto wa eyettihelo yoopakiwa ni mutthu. Owo t'ovonya, opacerya wene. Tivo owo onimutthun'awe Moopoli. Owo khaawerya wiisoopola mmansawe, owo khanwerya wira hat'etthu mwaha wa yeyo. Owo t'opweteya, opacerya wene. Owo oniyariwa molumwenkuni, natampi, owo onrwa mulaponi alavulaka itthu soowootha. Owo nawothee, opacerya wene, vano moota xeni molumwenkuni onwery'awe opaka etthu mmansawe? Moota xeni mutthu ooreera murima?

⁹⁰ Khaavo mutthu ooreera murima. Khekanle ekereja yowarya. Eyo Eroho Yowarya! Kahi ekereja yowarya, atthu owarya; eyo Eroho Yowarya eriyari y'atthu, ti yeyo. Amen. Kahi mwako wowarya vavo Pedru ni akina yeemelans'aya; mwako khawaari wowarya. Masi owo ti Muluku owarya, vamwako, aakhalin'he owo warya. Kahi mutthu owarya; eyo Eroho Yowarya enrumeeliwa mwa mutth'uwo, yeyo enkhaliha

eyo yowarya. Kahi mutthu; masi Omutthu wa Eroho Yowarya! Eyo eri mwa kahi mutthu; okhala wira, owo mutthu paahi, “ooyariwa mutampini, opakiwe mwa soothakhala, oruule mulaponi alavulaka soowootha.”

⁹¹ Khula eyettihelo yoopakiwa ni mutthu enoomukhaliha mwemmo tu. Owo onimwaaripihela wiitho etthu iyo ale aankhili, maitho aankhili, yawo awo anuupuwel’aya, “Miyo kinira mpantta wa ekereja, nsina naka nri muliivuruni. Miyo kihira *ela*. Atithi aka yaari *ila*, ni sikina.” Eyo enniweya oratteene; yeyo, ekhanle, nkirina hat’etthu yoohimya yoovirikanyiha yeyo. Masi nlelo, mpatthani, Yesu ohimye wira, “Woohikhala wira mutthu oniyariwa vasya, owo kxanwerya hata wona,” *wona*, vo, kxehimya wira owo onooni ni maitho awe, masi, “*osuwela sana* Omwene wa Wirimu.” Mpakha nyuwo oyariwa mwemmo!

⁹² Moota xeni namalaleya Patista ola aarow’awe, moota xeni mulopwan’ole eemenly’awe vale n’ulamula n’unyemula Yeyo? Moone, kxekhanle hat’etthu mwa yowo yeyo yaarowa owerya waakhela Eyo; masi Muluku aahaana wira, moone. Muluku aavan’he Eroho Yowarya. Owo aahooniherya wira khiwaari onamirima miili, ala Masu. Owo pahi oniiwa eyo mwa muupuwelo w’oxikola, nto awo aneererya okuxa sothene i—iparakha sa Muluku n’ukhaliha sa nihiku nivinre.

⁹³ Mulaleyi mmosa mmiravo Patista, va kahi khalai, okilaanthi vava vaasiis’ula; nto arookirweela, vano khwira, “Munna Branham, yookhala etthu emosa nyuwo muniir’anyu eri yoovonyeya.”

Miyo khwira, “Mukikhaliherye.”

⁹⁴ Nto owo khwira, “Nyuwo mwa, miyo kinoona wira nyuwo mwa naxariya ni mutthu ooreera murima, masi . . .”

Miyo khwira, “Kooxukhuru, mulopwana.”

Owo khwira, “Masi yookhala etthu emosa nyuwo muniir’anyu yoovonyeya.”

Miyo khwira, “Miyo kinwehererya wira Apwiya aphwanye etthu emosa paahi yoovonyeya.”

⁹⁵ Nto owo khwira, “Ahe, yookhala . . . Ela t’itthu nyuwo muniir’anyu ekhanle yoovonyeya.” Khwira, “Nyuwo muneererya oruuha molaponi muteko w’arummwa, ni,” khwira, “muteko w’arummwa omanle n’arummwa.”

⁹⁶ Miyo khwira, “Ntoko muPaptista ni muPaptista, miyo kaatthuna wookohani etthu emosa.”

Khwira, “Exeni?”

⁹⁷ Miyo khwira, “Nyuwo munnaamini wira Masu a Muluku t’owuupuxiwa, khula nipuro Naya?”

Owo khwira, “Vano, vekeekhai.”

⁹⁸ Miyo khwira, “Vano, Owo ohimnye wira, ‘Muhincererye nuulumu nimoso, wala okumiha Nimoso.’ Maana,” miyo khwira vano, “Miyo kinoowoniheryani vatthu Iparakha sa arummwa siruly’aya mwa atthu, ni natiri a Muluku, vano nyuwo mukooniherye natiri a Muluku ni okathi owo aahiyaly’awe atthu. Moone, nyuwo mwaahiwerye wooniherya yeyo ni Masu, vano—vano muliyale mwaha owo, moone,” miyo khwira, “okhala wira Owo nlelo onimwiiraneya.”

⁹⁹ Owo khuhihimya hat’etthu mwa minutu vakhani. Nto siiso miyo khwira, “Ahe, nto, munna, miyo kaatthuna wookohani ila. Pedru t’opacenrye mutthaka w’arummwa, Nihiku na Pentekosite. Nto hiyo othene noosuwela wira eyo ekeekhaii, maana owo t’arina ihulelo sa m’Omweneni, seiyo Yesu aamuvahaly’awe. Nto vano nwehe etthu ohimmy’awe. Owo ohimnye wira, ‘Murukunuxe murima, khula mmosa a nyuwo, mupatisiwe ni Nsina na Yesu Kristu wira muleveliwe itampi, nto munimwaakhela yoovaha ya Eroho Yowarya. Tthiri natiri t’awinyu, ni awaya an’inyu, n’ale ankhala ottaiwene, othene ale Apwiya Muluku ahu antthun’aya owiihana.’ Vano naakhanleene nipuro vaavo Owo okhumihaly’awe—vo, vano exeni yaakhumelenle ni moolumo a Pedru Nihiku na Pentekosite?” Munnona? Nnari, owo khanatoko omala!

Mwapwittipwitthi oophenteya okhwiye,
 Ephome Anyu yoorikaxa
 Khenimala owerya Waya,
 Mpakha Ekereja yothene yoovuluxiwa ya
 Muluku
 Woopoliwa, wira ehittheke tho.

Vano mwa nsipo, noovuwihya noomaleleyaxa,
 Miyo kinimwiipa Owerya Wanyu wo woopola,
 Okathi n lumi nla noohaawa, nookukuma
 Ninrupathi aya nimaalaleene mmahiye.

¹⁰⁰ Muluku akikhaliherye wira kaamini Iyo ni kivarelele Yeyo, ni othene hiyo, neemererye Yeyo, okhala wira Eyo Ekeekhaii ya Ehapari yooreera! Ayo, mulopwana.

¹⁰¹ Mutthu a miruku khivaatthuneya okhalakhala awehaka itthu iya. Nto asuwelaka wira iyo khasinvara etthu. Iyo khasitonko ovara etthu. Etiini yoothhokihya ni musuwelelo woothhokihya khasinkhalakhala sivaraka etthu Ohoolo wa Muluku. Eyo ehaana orwa, yoohihononiwa, okhuma wa Muluku. Eyo khenatoko orumeeliwa ni Muluku, khiwaavo okathi wa khalai Muluku otonko awe orumeela eyettihelo yeyo. Vano nyuwo, oh, nyuwo munikhalana atthu n’itthu siiso. Masi miyo kinihimya epyo y’ekeekhai ya Muluku, Eparakha ntoko yaamoraly’aya Nihiku na Pentekosite, eyo khenatoko orwa ni mutthenkeso; eyo enirwa n’uyariwa, oyariwa vasya.

¹⁰² Hiyo ninlattuliwa wira nimukuxe Isarayeli ntoko—ntoko ethoonyeryo, yeyo awo akhanly'aya. Nwehe, “Awo yaaroomunyanyala Owo, ehimye aya yaavahiw'aya, nto khuthipa mmansaya isisterna.” Nyuwo munniwerya otthokelela e—e—e—e etthu, okathi mutthu onkhal'awe veehimeni ya nattuutu, awuryaka, vano nto anattthuna wiipakela esisterna, moone, wira awurye vaavo? Vano eyo t'ile profeta ohimmy'awe, eyo t'ile Masu a Muluku ahimmy'aya. Eyo t'ile Muluku omuhimenry'awe profeta. “Nyuwo mookinyanyala Miyo nto—nto mookihiya Miyo, Ephattuvelo ya maasi makumi; nto khuthipa mmansinyu isisterna, seiyo siri soophweeya, nto iyo sinookhoowa.”

¹⁰³ Moone, etthu emosa, awo yaattthuna etthu emosa yaawery'aya ohoolela, wala wooniha etthu yaapank'aya. Eyo ti—eyo t'uvahuwa w'etiini yoothokihwiwa. Eyo khula okathi enererya, awo ahaana okhalana etthu mwemmo mmansaya. Awo ahaana okhalana iyettihelo iya sothene ni maloko, n'itthu, “Nto miyo kiniira mpantta wa *ela* vano.” Ohiya okhala mwana owiyeviha a Muluku, awo antthuna etthu anwery'aya wiisoniha mmansaya. Ohiya omuhiya Muluku wira eyo mwa enamuna Awe, awo yaattthuna wira mwa enamun'aya. Nto eyo ti moota iyettihelo sirin'aya ekereja olelo. Kahi... Khula eyettihelo, mmosa onttthuna eyo enamuna *ela*, mmosa onttthuna eyo enamuna *ele*. Nyuwo mwaari Metotista, muhaana okhala enamuna *ela*. Patista, enamuna *ela*. Prespiterianu, muKatolika, khul'etthu ekina, awo aakhalana iyettihelo saya. Hat'etthu yoovirikanyiha eyo, masi kahi yeyo miyo enihimy'aka.

¹⁰⁴ Mutthu onttthuna enamuna awe yo wira etthu iyo, ni Muluku ookhalana enamuna Awe yo wira yeyo. Nto Owo ohimye wira, “Nyuwo munvarelela ephiro anyu, esisterna yoophweeya; nto khamunikupali ephiro Aka, ephiro y'Ekumi.”

¹⁰⁵ Nto eyo etthu emosaru ntoko eyo ery'aya olelo. Eyo khehiyanne hata vakhani. Muupuwele ovahuwa wa mutthu ohiya ehimye ya naattuutu ya maasi ooreera owooneela akaphulaka, nto onattthuna orowa vasisternani yoophweeya yeyo owo opank'awe mmansawe, ni wiithipela esisterna, ni ikokhola iye siri vasulu va ntatha sirapiheleyaka mwemmo, nto n'uwurya vavo. Vo vekeekhai yookhala etthu mmuruni evonyen'ye ni mutthu uwo.

¹⁰⁶ Nto okathi mutthu oniivarelelih'awe ni mu—muupuwele wa onamukuttho wa Solempwa, ohiya waakhela Eroho Yowarya yeyo enlipiherya Solempwa n'ukhaliha Seiyo s'ekeekhai wa nyuwo, yookhala etthu murohoni evonyen'ye ni mutthu uwo. Eyo vekeekhai ti siiso. Vekeekhai, Eroho Yowarya! Khula mmosa orina otaphuleliwa wawe wa Bibilia, yeyo nyuwo munuupuwel'anyu wira t'eri y'ekeekhai. Muluku khamphavela mukhaliheryo anyu. Muluku khamphavela otaphulela wanyu.

107 Muluku ti Mutaphuleli Awe Mwanene. Muluku ontaphulela ntoko Owo—ntoko Owo sinihimy'awe wira Owo aamwiira. Apwiya yaahihimya wopaceryani, "Okhale okokola," vano okokola waahikhala. Eyo khentthuna nnakhala otaphuleliwa. Eyo t'ile Muluku iiraly'awe. Owo aahimye wira "mwali mmosa harusi onoorupala," owo aahirupala. Eyo khentthuna nnakhala otaphuleliwa. Owo aahimye wira Owo aamurowa "omwaraxela Eroho Awe khula erutthu," Owo aahiira. Eyo khentthuna hata otaphuleliwa. Muluku ontaphulela Masu Awe Mmansawe alipiheryaka Yawo, ni asuwelihaka Yawo, ni ooniheryaka Yawo.

108 Eyo ti moota profeta ooniheriw'awe okhala a Muluku. Owo ohimye wira, "Akhala mmosa eriyari anyu, ori amurohoni wala profeta, Miyo Apwiya kinimwiisuweliha Mmansaka mwa yowo ni sowona, kinoolavula ni yowo molohani. Nto ele enihimy'awe yakhumelelaru, vano mmoove; masi eyo yaahiraneye, muhimoove."

109 Eyo etthu emosaru okathi Muluku onlavul'awe Masu Awe, nto mutthu khiyaira, "Masu t'Ala," nto elo eniiraneya siiso, vano owo ti Muluku airaka siiso.

110 Masi owo aira wira, "Eyo ti *sa*, nto mahiku aavira," vano entthuneya yothene . . . Owo onimuvaha mulipa oovoliwa ephau, mmatatani mwawe, anamwane, nto n'ukuxa tho yeyo; vano awo anoovoliwa. Mwaha wa xeni nyuwo mwaarow'anyu otthuna owurya vasisternani ehimye ela ya naattuuttu ekhanleene vo?

111 Ephattuwelo y'Ekumi exeni vano? Exeni ephattuwelo y'Ekumi, ephattuwelo ya Maasi makumi? Ehimye ya naattuuttu, hiyo naarowa olattaniha ni Yeyo.

112 Vano miyo kintthuna nwehe ovirikana okhanle wa esisterna ni ephattuwelo ya maasi makumi; ehimye ya naattuuttu, ni esisterna ya khalai yoophweeya yeyo yoosareya axikokho, anaawookho, anaphulu, miropo, n'itthu sikina, moone.

113 Nto va yookhala ehimye ya naattuuttu. Vano nwehe ela. Eyo eniivaha mmansaya. Khentthuneya nyuwo okhalana hata eyettihelo yuulupale n'uruuha musurukhu munci-ene mwemmo. Nyuwo khamurina yo wiitakaniha n'atthu owaatta. Eyo ennakhaliherya athu aya, ni Eroho y'Ekumi eri mwa yawo, evaraka muteko.

114 Nwehe maasi anirwa akhumaka mwemmo, ooriirya, ooreera ni oowooneela. Kahi esisterna, etthu yoottakatta yeyo enikhala yeettihiwaka ni miyuupuwelo miloko mixexe, miloko mithanu soovirikana, siiraka, "*Ela* t'eri sana, ni *ile* t'eri sana, ni muupuwelo *ola*," ni mwaathanle ni wiihana, ni ntoko awo aniir'aya, nto vavo n'upaka muromolelo mwa yeyo. Awo t'oreera ni oowooneela, Masu a Muluku oohihononiwa, anirwa akhumaka mmatatani mwa Muluku. Eyo ehimye yekeekhai ya naattuuttu.

115 Nwehe, esiri y'owerya waya eri muhina mwaya. Mutthu khanwerya ophwanya eyo. Muthinto w'ekuro, vathi vaya, yeyo eniiriha eyo osukhumela osulu.

116 Miyo kinnuupuwela okathi miyo, waarow'aka, waary'aka mukhulupale a orukuneya a elapo yo Indiana, miyo kaanirowaka, oHarrison County, ehimye emosa, naattuuttu mmosa. Owo khula okathi aamukaphula. Nto pahi, oh, eyo yaakhala ntoko yaari etthu yoomalela otteeliwa murima. Hata wira etthapwe yaammora, exeelo, hata waamuriirya, hata waariirya sai, owo nlelo aamukaphula; vaavo mattaara oopakiwa n'atthu ni itanki, n'anaphulu ni sothene, saakhal'aya vale soorirya sene, soolipa.

117 Nto eyo enoorowa wooniherya wira khula muromolelo, ni ohaleela vakhani wa Eroho wala ovirikana vakhani wa mukhalelo, enoorowa oriirya. Masi ehimye ya naattuuttu ya Muluku, Owo—Owo mmosaru nsana, olelo, ni mahiku othene, eyo ennikhaliha itthu sothene okhumiheriwa ota ni osukhumeliwa ota. Nto mmo khekhanle-mo etthu mmo, opacerya wene. Ni khula etthu enikela mmo, eyo enoosukhumela ota.

118 Etthu ile yaamukaphula siiso, nto miyo khwira, khukilaathi vale nihiku nimosa, miyo kuupuwela, "Miyo kinoona wira kinrowa olavulana ephattuwelo ele, okathi vakhani paahi." Miyo kirula ekofiyo aka, nto miyo khwira, "Exeni nyuwo mukhalenly'anyu ootteeliwa murima? Exeni nyuwo enikaphulel'anyu? Khino mwaha wo wira itthove siniwurya mwa nyuwo, imara kamosa kamosa."

Eyo yaakhanle wira yaahaana olavula, eyo yaamurowa wira, "Nnari."

Miyo khwira, "Khino mwaha wo wira miyo kinniwurya mwa nyuwo."

"Nnari, kahi yeyo."

119 Miyo khwira, "Ahe, exeni enookhalihani nyuwo oorerexa, owooneelaxa? Vano exeni—exeni iyo enikaphulela, eyo enookaphulihani, oosareya otthapa okathi wothene, ni khiyavo etthu enwerya wooriirihani? Nyuwo munikhoowela osulu, ni khiyavo etthu; maasi owooneela."

120 Vaari wira yaaniwerya olavula ni miyo, nyuwo moosuwela exeni ehimye ele yaarow'aya ohimya? Eyo yaarowa wira, "Munna Branham, nkihiyo miyo kinikaphula, eyo etthu emosa eri ottuli waka, enikikaphuliha miyo." Nto eyo ti siiso siry'aya ni... Nuulumo ti noothowa, masi nyuwo moosuwela enihimy'aka.

121 Nto eyo ti siiso siry'aya ni musuwelelo w'oyariwa vasya. Khivanweryaneyya okhupaarela eyo. Eyo e—e ehimye ya maasi mwa nyuwo, enikaphula mw'Ekumini ehinimala. Moone, yookhala etthu mwaha wa yeyo, nyuwo muhirin'anyu naata.

Itanki soopakiwa n'atthu sinimuuma, n'atthu avekelaka muhakalaliho n'itthu sothene; masi mutthu ori vathi v'Ephattuwelo ele, akhalaka v'Ephattuweloni vaavale, eyo p'uthana n'uhiyu! Nnari, nyuwo khamurina yo owehererya ipula sinrupa mihakalaliho siniiraneya. Nyuwo moosareya Yeyo. "Miyo kinoomuvaha ephattuwelo y'Ekumi, mwa yowo, ekaphulaka." Yookhala etthu muhina mwa Yeyo, yooriirya khula nihiku, yooreera ni yowooneela. Awo ti Masu a Muluku oohihononiwa mmurimani mw'anyu ni mwaano, yiisooniheryaka Mmansaya, alavulaka Mmansaya. Miyo nkincala vaari wira epula enoorupa, vaari wira eri etthapwe, khula mukhalelo w'okathi, nyuwo munikhala nlelo ootthapa okhala wira Eroho Yowarya eri muhina ekaphulaka. Owo Owerya wiipinthe. Nwehe. Oh, eyo esiri eri muhina mwa yeyo.

¹²² Eyo ennivaha erin'aya, mahala, wa khula mutthu onrowa owurya ni orumeela ikuru saya. Vano nyuwo khamunthanla, ni wira, "Ahe, vano miyo kihaana orowa okereja Metotista okhala wira miyo ki Metotista, mwaavyaka muhakalaliho. Miyo kihaana orowa mpakha *nno*, masi (vaari wira) miyo kihaana orowa oPentekosite okhala wira miyo ki namahakalaliho muPentekosite." Miyo kinimooleelani, okathi nyuwo munkhalan'anyu ehimye ele ya Maasi aphattuwaka, Ephattuwelo ele, okathi nyuwo munkhal'anyu nwuryaka vaavo, khekhanle evirikanelo, nyuwo munoovaha khula etthu enoorwa. Nyuwo munootthuna omuvaha nrromelo w'Ekumi muKatolika, muProtestante, muYuta, oomukhotta muluku, wala mutthu ti mutthu. Nyuwo vekeekhai, vekeekhai mookhalana Etthu mwa nyuwo, eniira yeyo.

¹²³ Nkawehani etthu ekina mwaha wa yeyo, nyuwo khamurina y'oxekhula eyo. Nyuwo khamurina y'osukhuma, n'uxekhula. Miyo kihooona vanci-ene yeyo mpakha enikeettihaaya murima, oxekhulela etthu; orumiha mithinto sa muzika, n'utupha osulu ni vathi, wala—wala makuttha maalupale a itthu s'osoma n'ulepa mpoma, ni ithoonyeryo suulupale, "Mutthu ookathi."

¹²⁴ Ori Mulopwana mmosa paahi ookathi, nto owo ti Yesu Kristu, Yowo okhanle mmosaru nsana, olelo, ni mahiku othene. Ori Namitthaka mmosa paahi onkhuma wa Muluku, nto owo ti—owo ti Yesu Kristu. Ayo, mulopwana.

¹²⁵ Nyuwo khamurina y'oxekulela Ela osulu, wala opurulela Ela vathi. Wala, kahi, nyuwo khamurina yo wiitakaniha ni Yeyo. Nyuwo munoookuxa Eyo paahi, mahala. Amen. "Miyo ki Ephattuwelo ya Maasi makumi; nyuwo mookihiya Miyo, khurova opaka mmansinyu itanki." Vano nyuwo khamurina y'oxekula Yeyo, oxekula Yeyo, opurula Eyo, ni wiitakaniha ni Yeyo, othipa Yeyo, hat'etthu ekina. Nyuwo muhaana okuxa Yeyo paahi, mahala.

126 Nyuwo khamunimphavela hata teologia oopakiwa ni mutthu ntoko nttapwatta n'ekikittho, wala, wooleelani exeni enkhumelela ni Yeyo, exeni Eyo yiiraly'aya. Nnakhala. Teologia oopakiwa ni mutthu a eyattihelo y'osoma, etiini ya exariya mmansaya mwa *ela*, mwa *ela*, wala esisterna ya eyettihelo y'etiini; nyuwo khamumphavela eyo. Eyo khentthuneya okhala vo. Nyuwo mwahelaru nttapwatta Vaavo, Eyo enoorihela nlo osulu. Eyo kherina naata ni nenlo. Eyo eniikhapelela mmansaya! Owo Owerya wa Muluku oniphattuwa mw'Ekumini. Mwaha wa xeni mutthu aarow'awe ohiya etthu ntoko Yeyo, wira aitakanihe ni eyettihelo, eri yoovikana ele miyo enwery'aka ohimya. Eyo khemphavela hata nttapwatta n'ekikittho. Eyo khemphavela. Eyo khempavela okhala yo-...khemphavela ororomela ipula sinrupa elapo yeyo wira esareye. Eyo ti yoosareya okathi wothene. Amen.

127 Mulopwana mmosa, miyo kinniwiiwa awo yiiraka, "Miyo nkireere oriipiwa murima olelo." Oh, wulu!

128 Oh, miyo kinnitthapa okhala kikkhalaka Ohoolo wa Muluku, hata wira itthu sineetta sana wala oheetta sana. Owo ti Ekumi aka. Amen. Owo ti Ekumi ahu. Owo ti Ekumi, Ekumi yowaatta. Ayo, mulopwana. Nto—nto nwehe etthu Eyo eniir'aya mwaha wa hiyo. Owerya waya ni oreera ori muhina Mwaya eneene. Eyo khemphavela oheleliwa ni esisterna wala eyettihelo ekina.

129 Mutthu oniira, "Ahe, ettikitti anyu yo opatthana tivi? Nrowe noone nyuwo mwaakhanleene muPaptista ooloka. Miyo kinimoona nyuwo mwaarina-ene ettikitti." Wala—wala, "...muPentekosite ooloka...nyuwo mwaari Unisista...a Dualidade...a Neeraru." Wala—wala "...sikina tho." Moone, Eyo khemphavela hata oheleliwa. Eyo enoorowa okathi wothene. Ayo.

130 Nyuwo moosuwela, miyo kaanikkhalanaka isisterna iya sa khalai, miyo kaahaana oyeherya maasi mme n'uhelela n'uhelela n'uhelela, ni mpompe ola wa khalai w'onuula, wira kikumihe mme; nyuwo moosuwela, oyeherya tho maasi makina memmo, nto pahi ni ohela—mo tho nikoto n'axikokho n'itthu mwemmo, waanuula—mo axikokho n'itthu. Ti siiso ery'aya enamuna sa iyettihelo sa mihakalaliho iya.

131 Masi, kinnimuxukhuru Muluku, "Yookhala Ephattuvelo yoosareya Ephome, mwemmo anatampi anipwin'aya vathi mohuruwelani!" Nyuwo khamunaakkhalaha mpantta wa ekereja; munaakkhalaha aKristu okathi awo anrw'aya mpakha vEphattuveloni vaavo.

132 Mwaha wa xeni nyuwo munihy'anyu Ephattuvelo ya maasi makumi, khiyawurya vanlittini ntoko nlo?

133 Kahi oxekula; Owerya Waya ori muhina Mwaya. Eyo khemphavela oheleliwa, ayo, mulopwana, maana (Mmansaya) Ekumi Aya eri Mwemmo. Ti siiso epyo ya Muluku enikkhal'aya

mmurimani mwa mutthu. Ekumi ya Muluku eri muhina mwa mutthu, kahi mukereja. Mwa nyuwo, eri mwa nyuwo, nyuwo t'ule orina eropo y'Ekumi mwa nyuwo.

¹³⁴ Olawiha omosa paahi Yeyo enniwaaminiha maloko othene a atthu anamukuttho. Mwaakohe anamukuttho aKatolika, mwaakohe aPatista, khula mutthu. Olawiha omosa paahi maasi ala maalupale ooriirya a naattuuttu, miyo kinimooleelani, awo annaminiha wira Eyo Ekeekhaii. Munepa anyu woovoliwa etala, khula enamuna, eyo ennimwaminiha nantthona, khula enamuna. Vano nyuwo mwahivoliweke ntthona...muPatista ola mwamukhani, owo khaarina ntthona, opacerya wene; masi okathi ovoliw'awe ntthona, maasi yaahisiva vootepaxa oreera. Eyo ekeekhaii, masi nyuwo muhaana ovoliwa ntthona, "ntthona nooreerhiwa," ntoko Yesu iihanne awe nenlo. "Ooreeriwa ti nyuwo mwavoliwaka etala ni ntthona mwaha wa exariya, okhala wira munrowa ovona." Amen. Yesu oohimya yeyo, mpatthani. Ayo, mulopwana, Eyo Ephattuwelo yooreerhiwa w'ale ari ni ntthona.

¹³⁵ Mwaha wa xeni mutthu aarow'awe otthuna waakakhanya Yeyo ni nntapo? Mota xeni nyuwo mwaarow'anyu otthuna waakakhanya ehimye ya naattuuttu ni maasi a muttaponi, oosareya axikokho ni soorava sa inamuna sothene sa miyuupuwelo soopakiwa n'atthu, seiyo Muluku ohimmy'awe wira, "Wincererya etthu emosa mwa Masu Awe, wala okumiha etthu emosa mwa Masu Awe, mpante awe onookumihiwa muLivuruni mwa Ekumi?"

¹³⁶ Nto okathi Muluku ohimmy'awe wira Owo aamulipiherya Masu ala wa khula nloko, "Tthiri natiri t'awinyu ni t'awaya an'inyu, n'ale ankhala ottaiwene, othene ale Apwiya Muluku ahu antthun'aya owiihana," mwaha wa xeni nyuwo mwaarow'anyu oxekula ni mpompe wa eyettihelo yowo oranve iyakha sinci-ene, emana ya khalai? Alakela emana yaari etthu yooreera, hat'etthu ya nthowa ni yeyo, mahiku a Martinho Lutero, mahiku awe *ola* ni mahiku awe *ole*, ni anamarehererya akina, hat'etthu ni yeyo; masi eyo emana yaamonre okathi ovinre.

¹³⁷ Hiyo naweha mBibiliani, wira awo yaahaana ottotta khula nihiku. Awo yaahaana okhalana esya. Yaamal'aya okhala yowuuluvala vakhani, yaamunnta. Eyo khenintta khuhiphomowela vathi. Eyo ehaana okhalana axiitthu mwemmo, wala etthu ekina wira—wira yinttihe yeyo. Hiyo noosuwela wira ti siiso.

¹³⁸ Nto ti siiso iyettihelo! Numala okhala vo ekhumaka mmuhakalalihoni muulupale mpakha mukina, nto eyo enikhala yoorava itthu ni enikhala yoosareya axikokho, ntoko esistema yoosareya anamwiiniha-mwila, ntoko hiyo naawihanak'ahu, axikokho axikhani yinasaka mwemmo.

139 Nto owo ti mulattu ni musuwelelo w'atthu anci-ene olelo. Awo anikhala—awo anikhala oosareya anamwiiniha-mwila paahi, yiinihika nno ni nno, nto nno n'okina, ahimyaka itthu soowootha sibirina Ekeekhai mwemmo nnakhala. Eyo ekeekhai, yiinihaka nno akelaka okina. “Miyo kaari Metotista; kihitakaniha n'aPaptista. Miyo kaari muKatolika; miyo kaahirowa kikhala *ela*. Miyo kirowa kikhala *ele*.” Awo anamwiiniha-mwila paahi.

140 Oh, muliyale etthu yothene, nto murwe vEphattuweloni (Amen!), Ehimye ya naattuutu, Mukhalelo wa Kristu wa mahiku othene! Miyo kinnimwaamini Owo okhala Ephattuwelo y'Ekumi ehinimaliheya. Vanci-enexa nyuwo munaakhel'anyu wa Yowo, enootepa okhala ya naanaano, ni enootepa okhala yooriirya, ni enootepa okhala yooreera, ni enootepa okhala yoosiva. Miyo kinikhala kimurumeelaka Yowo vano iyakha miloko miraru ni ttharu, nto khula nihiku ontepa okhala nlelo oosiva ovikana saary'awe nihiku nivinre. Miyo nkinatoko okhala . . .Owo ohimye wira nyuwo khimwaarowa okhalana tho ntthona hiyo nawuryaru Maasi yala. Nwehe moota Eyo ekhanly'aya yuulupale. Oh!

141 Isarayeli iirale ntoko anci-ene aniir'aya olelo, awo yaahihiya ephattuwelo ya maasi makumi, khurwa othipa mmansaya isisterna.

142 Vano nilavulaka mwaha wa mahala okathi vakhani, mahala xeni a Muluku. Hiyo nookhalana sooruma ni ikano, “Nto nyuwo mwaahilikane ni ettharihelo yela . . .Miyo kookhalana ekopo ya mphimo wa etiini; nyuwo mwahilikane sintoko yeyo, nyuwo muhaana, khivanweryaneya nyuwo okela-mo,” ni sikina. Masi Muluku onnoopola hiyo ni mahala, kahi ni ekopo ya mphimo. Munnona? Masi Muluku, nilavulaka mwaha wa mahala vano, vekeekhai moota eyo yiranan'ye aya wira yiraneye, owurya mwa Yowo, mw'ekopo yela ya mphimo . . .

143 Waapa, Isarayeli owaapa. Nwehe, Owo iirale, “Nto Miyo kinimoothotolani tho.” Nkawehani mwa Solempwa. Nkawehani, Owo onrowa oweereryasa, waathotola tho. Isarayeli owaapa, Ophareya Yooxeerya, yaalattuliwe wira amuthhare Yowo aviraka mmaasini oottakatta a wEjito, wira akhale atthu oovuluwa. Awo yaari ipottha. Awo yaahilattuliwa wira erwe akhale atthu oovuluwa, ni Yowo. Orwa aviraka Ephareya Yokhwa, Ephareya Yokhwa; Ephareya Yooxeerya, kiireke, okhuma aviraka mwemmo, wira arowe mothakoni, wira aruuhe ovalaanyana awo n'anamatakiha yeererya otakiherya yeyo, oohilya masoma.

144 Oh, eyo ti yaakumin'he mulattu. Khula mmosa a yawo aahipweteya vaavo vene mot- . . ., ahiso, mwemmo—mwemmo mphareya, Farawo n'anakhotto awe. Awo yaahiwoona atthu yeettaka ni Owerya wuulupale, vano awo khiyarwa ottuli

nto khweererya otakiherya yeyo, ahikhanle owaalakiwa mparakhani. Nto okathi awo yiiraly'aya, yaahipweteya. Nlo nlikanyihyo na mw'erutthuni.

¹⁴⁵ Mutthu oneererya wira eyo, weererya otakiherya etthu, nto owo onipaka nlikanyihyo na mw'erutthuni w'oKristu w'ekeekhai.

¹⁴⁶ Munna aka Muhinti uwo vo onnisuwela eyo. Murowe mpakha oBombai nto munoowoona atthu iwe, aHindu n'akina, arupaathiki vasulu va ikhomo ni vasulu va . . .yeettaka vasulu v'efiituru ni—ni yeettaka vamooroni, wira yooniherye ele anwery'aya wira, n'itthu ntoko. . .Iyo mitakiheryo s'erutthu sa mutthu a mutakhwani iwe, oniira eyo ntoko mukuttho wa muluku awe.

¹⁴⁷ Hiyo ninnoona wira eriyari ya makhalelo othene a etiini, mitakiheryo sa mw'erutthuni, mutthu eereryaka okhala ntoko mukina. Eri ethoonyeryo emosa paahi entthuneya wira nyuwo mulikaneke ni yeyo, eyo ti ntoko Yesu Kristu, Yowo aari Masu. Nto vo okathi Masu a Muluku anirw'aya wa nyuwo, eyo enookhala enamuna emosaru.

¹⁴⁸ Masi Muluku aahiweettihasa mpakha muttethe wa natiri, mwa khula enamuna. Awo yaahiphwanya, tho, wira khula etanki, okathi awo apaceny'aya ovira mothakoni yeettaka ekwah'aya vano, vaamanly'aya wiivalaanya, awo yaahiphwanya wira khula etanki yaahuuma, wa yawo.

¹⁴⁹ Nto nyuwo munoophwanya etthu emosaru, munna, okathi ompacery'anyu ekwaha ela murowaka Muttethe wa natiri. Nyuwo munoophwanya mikhora siwaliwe-ene. Ntoko mulaleyi ule mwamukhani sihimaly'awe, Anglikano, wala etthu p'itthu, nto, naanaanoru, ekerej'awe yaahimoomola. Moone, aakhalanneru anci-ene oowaakhela Eroho Yowarya, yaari emalelo aya.

¹⁵⁰ Nto hiyo. . .nto Isarayeli aahiphwanya etthu emosaru, ntoko ithoonyeryo, yeettaka ekwah'aya arowaka muttethe wa natiri. Itanki saari sothene soowuuma. Ayo, ekwah'aya wo wiiwelela Masu Awe a natiri, ekwah'aya, mutankini, awo yaaphwannye wuumeene-mo. Vano awo yaahoona wira itanki—itanki khivaaweryaneyo okhala soolipaniwa, mmukwahani.

¹⁵¹ Nto nyuwo mwaarowaka ekwaha wo wiiwelela Masu a Muluku, ni weererya wiitakaniha *n'ila* ni wiitakaniha *n'ile*, nyuwo munoorowa ophwanya wira khekhanle etanki mulaponi enrowa okhaliherya Yawo. Nnari mara. Nyuwo mwa mutthu mmosa. Muluku oniweettihani vekeekhai ntoko Owo sintthun'awe oweettihani. Vano, hiyo noophwanya etthu emosaru olelo, ni itanki sothene ti soowuuma.

¹⁵² Masi natiri, okhati wothene t'ekeekhai, wa Muluku Yowo onrowa omusuka natiri Awe w'atthu Awe. Owo oohimya wira aamwaavaha sothene yaarow'aya otthuna, vano Owo aahiira siiso. Eriyari ya itanki soohikhala etthu, itanki soowuuma,

muupuwele yeyo paahi; nto Isarayeli aisinlihaka, mothakoni, yeettaka ekwah'aya! Owo aahimwiihana murumeyi Awe muhooleli, profeta Moise, epannte emosa, nto khitthukula ephattuwelo ya maasi makumi, ni Mwala woomaniwa, wira an'Awe oowaamini ahipweteye.

¹⁵³ Nihiku nla, nenla ninlavula mwaha wa mahala, mwa miyo. Hiyo n'ohiphwanela. Enamuna hiyo eniir'ahu, enamuna hiyo eniikhal'ahu, hiyo n'ohiphwanela.

¹⁵⁴ Masi Muluku, nihiku nla, ntoko va vaasiis'ula, nwehe, wa Metotista, Patista, Prespiterianu, Katolika, ni othene, Owo otthukula Ephattuwelo. aHeperi 13 annilipiherya yela, wira Owo mmosaru nsana, olelo, ni mahiku othene. Vano eyo—eyo enimukhaliha eekeekhai, Yohani 3:16, "Tthiri Muluku oophentexa olumwenku, mpakha Owo onvaha Mwana Awe mmose-ene, wira othene ale animwaamini Yowo ehirimeele, nto ekhalane Ekumi ehinimala."

¹⁵⁵ Nto nlo navenyihewe mwaha wa niwoko n'othukumanya, okhala wira atthu yaamwaapa ni wira itampi, nto awo yahilummwa inowa ni yaamukhw'asa; nto wira aleveleliwe itampi saya, ni ovonihiwa iretta saya.

¹⁵⁶ Nto eyo Ephattuwelo emosaru yeyo etthukuleliw'ahu hiyo olelo, wira noopowe n'uvonihiwa wahu, ovonihiwa w'erutthu. "Maana Owo mmosaru nsana, olelo, ni mahiku othene."

¹⁵⁷ Nto okathi Mwala yowo waamaniwe atthariheliwaka Masu a natiri a Muluku, waahiruma, Owo waahivaha ikhoowelo sa maasi oreera owooneela; kahi—kahi oottakatta, kahi oorava itthu, masi Mukhalelo wa Muluku Mwaneene. Maasi ooreera, nto awo yaahiwoopola othene ale yaawunrye. Vano hiyo noosuwela wira eyo ekeekhaii, okhala wira hiyo noosoma eyo mwa Waataana wa Khalai, ntoko eyoniheryo.

¹⁵⁸ Vano, khivaatthuneya nyuwo opurula, osekula, wiitakaniha ni yeyo, orowa oseminariu wiixutta moota w'ovarela muteko yeyo. Awo animooleelani moota w'ovarela muteko iwe, moone, "Oh, ahe, nyuwo, vakhala wira nyuwo muhaakhela Eroho Yowarya, hiyo ninnaamini yeyo, masi vano nyuwo—nyuwo mwiireke sa."

¹⁵⁹ Masi, nyuwo moone, khekhanle mweettiheryo aya. Nyuwo khamunivarela muteko Eroho Yowarya; Eroho Yowarya t'enovarelani muteko, moone. Moone, nyuwo khamuhiyo, nyuwo khamuhiyo oovarela muteko Eroho Yowarya; Eroho Yowarya t'ekhanle yo woovarelani nyuwo. Yoovaha khehiyo etthu nyuwo munikux'anyu, ntoko mwalo, nto n'unona elapi ni yowo. Eyo wiiveleela wanyu wa Muluku, ni wiikhumiha mmansinyu mphironi wira Eroho Yowarya yoovareleni muteko.

¹⁶⁰ Nwehe, awo khiyatonko okhala osekula wala opurula, wala khiyatonko okhala ookoha, "Vano hiyo nirumeeleke sai maasi ala?" Okhala wira, awo yaanisuwela moota w'orumeela

yawo. Awo yaavoliwe ntthona. Awo yaanisuwela etthu yo wiiriha yawo.

¹⁶¹ Nto ti siiso siry'aya mulopwana wala muthiyana, etthu, hata wira eyaminelo wala muromelelo xeni owo onir'awe mpantta. Vaari wira onivoliwa ntthona ni Muluku, owo kharina yo otthyawela oseminariu, ntoko munna ola Anglikanu iiraly'awe, wala munna Mubritaniku, nsana ohiyu, aahaana otthika ni okoha moota, ekereja Anglikanu, moota w'orumeela yoovaha ela yuulupale owo orin'awe, olavula ilavulelo, ni moota owo orin'awe yo wira *ela*. Awo yaamurowa omoomola, opacerya wene. Munnona? Owo aavoliwe ntthona, vano Muluku khimusariha paahi. Eyo ti yothene eri mwa yeyo. Ovoliwa ntthona, nto vo Owo onoosariha paahi.

¹⁶² Khentthuneya nyuwo okhalana mweettiheryo, mutthu woohimeeryani etthu yo wira ni yeyo. Muluku onnimweettiha khula mutthu mwa e—enamuna Owo onthun'awe wira nyuwo mwiire. Nyuwo mwa mu—mutthu mmosa, nyuwano. Nyuwo mwa epantte ya Muluku. Khavo onwerya okuxa opuro anyu. Nto khekhanle enamuna y'orowa wa mutthu, ni wira vano, miyo kihaana “wira *ela* ni yeyo,” wala miyo kihaana “wira *ele* ni yeyo.” Nnari, mulopwana. Muluku onvarela muteko enamuna yeyo—yeyo Owo onthun'awe ovarela. Okathi nyuwo onvoliw'anyu ntthona, nyuwo munnisuwela vamphiyery'aya owurya.

¹⁶³ Nto nyuwo mwaavoliweene ntthona vasiis'ula, nwurye Vaavo, eyo ti yothene murin'anyu yo wira. Muluku aahivaherya enamuna y'omaliha ntthona naya, aana oovoliwa ntthona wira yiire mpantta mahala mwa Yowo. Nto Muluku oovaherya ephiro ya khula mulopwana ni muthiyana vaasiisu ula, onvoliwa etala ni ntthona. Khino aakhala atthu akilaanthi va, ahitonko woopowa. Aakhala atthu akilaanthi va yawo anihalela woopowa.

¹⁶⁴ Aakhala atthu va, akilaanthi va ntoko atthu a mukereja, nyuwo munnitthuna wira etthu yooreera, masi nyuwo munwurya mutankini. Awo khankhalakhala yoolelakani Ikeekhai iya.

¹⁶⁵ Etthu emosa paahi, orwa, omukuxa natiri a Muluku n'urwa vEphattuweloni vaavo, nto Owo onoovoniha ntthona. “Ole onwurya vEphattuweloni yela khanvoliwa—tho ntthona.”

¹⁶⁶ Nwehe vano moota—moota Owo aavulunx'awe Awawe—ale Awawe ale yaakhenle maasi ala, ni mahala, nto kahi ni eyettihelo wala esisterna y'osoma. Owo onnaakiherya Masu Awe, eyo epacerelo enivaha Ekumi. Akavi mu answela wira nyuwo muhaakhela Ekumi okathi nyuwo mukunx'anyu Masu ale ni maasi Awe, vekeekhai nyuwo moosuwela wira muhaakhela Ekumi? [Muthukumano onira, “Amen.”—Mol.]

¹⁶⁷ Nikuxe, ahe, ntoko nlikanyiho, ethoonyeryo ekina paahi, wala piili, nto siiso miyo kinoorowa omaliha okathi vakhani paahi. Miyo—miyo kihaana okhalana epitau iyo nipuro nno.

Masi nwehe. Miyo kinikhala kilavulaka paahi, masi miyo nkinlakela wira etthu iyo. Nwehe, naakuxe ntoko ethonyeryo, atthu anli paahi.

¹⁶⁸ Nimukuxe muthiyana vasisternani va Yakope, ehimye yoothipiwa. Owo aari vale akilanthi-ene vaavale. Eyo ti yothene muthiyan'ole aasuwel'awe, yaari esisterna yela vaavo owo aarwiiy'awe orika maasi. Nto voovirikana ni ehimye owo aahimphwanya, mwa moonelo mwamukhani vo, Mulopwana mmosa akilanthi-ene vaavo, muYuta. Nto owo aari muSamaria, owo muttethe w'oSikari. Nto hiyo ninnoona wira Mulopwan'ola, muYuta ola, aalavunle Nuulumo noohilimaleleya ni muthiyana ola, iiraka, "Mukiruuhele maasi."

¹⁶⁹ Owo khwira vano, "Hiyo nookhalana nvalaanyo. Eyo kehiyo—kehiyo yooreera Nyuwo okivekela etthu ntoko eyo; Nyuwo muri-ene muYuta, ni miyo muSamaria."

¹⁷⁰ Owo khwira, "Masi nyuwo mwaamusuwenle Ole onlavulan'anyu, nyuwo mwaamukivekela Miyo maasi, nto Miyo kaamovahani maasi yawo nyuwo muhinrow'anyu orwa vasisterna va wira nwurye; okhala ehimye ya maasi enikaphula mwa nyuwo." Nwehe okathi voonaly'awe wira yahooniherya okhala Ekeekhai!

¹⁷¹ Vano, yopacerya, khula mutthu aamuwerya ohimya yeyo. Masi owo iirale, "Nyuwo muniira okokhorela oYerusalemu, nave hiyo ninkokhorela vamwako va."

¹⁷² Owo khwira "Woopowa ti w'aYuta. Hiyo ninnisuwela etthu enaamini ahu. Masi," khwira, "mukihiye Miyo kooleleni etthu emosa," mwa moolumo ntoko nla, "hata mwako ola, nnakhala oYerusalemu. Tthiri okathi onimoorwa yowo mutthu onrow'awe omukokhorela Muluku mw'Eroho ni mw'Ekeekhai, mana Atithi anaaphavela yawo." Owo khwira, "Rowani mwaaruhe ai'y'anyu murwaase vaava." Moone, va eyo yahooniherya. Va ennooniherya ephattuwelo xeni owo aary'awe-vo. Khwira, "Rowani mwaakuxe ai'y'anyu murwase vaava."

Owo khwira, "Miyo nkirina iy'aka."

¹⁷³ Owo khwira, "Moohimya ekeekhai." Moone, yaakhala ntoko nvirikanyiho wowooneya w'etthu Owo aamuvekenly'awe, nto khwira, "Rowani mwaakuxe ai'y'anyu."

Khwira, "Miyo nkirina iy'aka."

¹⁷⁴ Khwira, "Moohimya ekeekhai." Khwira, "Okhala wira mwaahikhalana athanu, nto ole onkhalan'anyu vano khahiyo awinyu."

¹⁷⁵ Nkanweheni muthiyan'ole, moota ovirikann'awe n'anamukuttho a nihiku nle! Anamukuttho a nihiku nle yaahoono etthu emosaru yeyo wiiraneya, nto khwira, "Owo xetwani, telepatia, wala—wala Pelizepuli." Moone, awo yaahivonya wona Masu ahimyaka yeyo.

¹⁷⁶ Masi mwamuthiyān'ole aari osouwelaxa Solempwa onvikana khula mmosa a anamukuttho. Owo irale, "Napwiya, miyo kinoona wira Nyuwo mwa profeta. Hiyo khanikhalanne hata mmosa mwa iyakha imiya xexe, okhuma Malakhiya. Masi," khwira, "hiyo ninnimuwehererya mmosa, ni hiyo noosuwela wira ookhala Mmosa onoorwa, Mesiya. Nto Owo arwa vale, ela enookhala etthu Owo onrow'awe wira."

Yesu kwira, "Miyo ka Yowo." Amen.

¹⁷⁷ Nyuwo mooweha, owo aahihiya mucoma awe vasisternani va Yakope, khutthyawa arowaka opooma; asaren'yeene ehimye ya naattuutu! Owo aarimoona eyo olipihiriwa voolikana, ni Owo aari Ephattuwelo yele y'Ekumi. Mukihiye koleeliheryeni nyuwo. Owo aahihiya eyo; okathi Owo ooniheriw'awe okhala Masu a Ekumi. Owo aahihiya eyo; nto owo aahisuwela wira Mwala mmosaru, yole waamaniwe mothakoni, wahooniheriwa okhala vale nto.

¹⁷⁸ Mukihiye kihimye wira, Muluku mmosaru yole aari mahiku avinre, yowo hiyo nnumuhimya'ahu vanci-ene, Owo ori vaava vano; kahi n'usuwela wa teologia, nave ni omusuwela wa mutthu mmansawe w'olipiherya Wawe wira Owo aarowa omwaraxa mahiku ala ookiserya, Eroho Yowarya mukereja Mw'awe. Owo kahiyo "Miyo kaari." Owo nlelo ti "MIYO KOOKHALA," a naanaano, okathi wothene.

¹⁷⁹ Nto esisterna yaahimala esivelo aya. Nto siiso onnira khula mutthu otonko omorela m'owerya wa Muluku, n'upatiiso wa Eroho Yowarya, iyeettihelo sa miromolelo sinoomala esivelo aya. Nyuwo khamunthuna tho s'anaphulo ale ootakatta, ni anaawokho, n'axikokho, ni sikina. Nyuwo munwurya vEphattuweloni eri yooriirya ni yooreera, Masu a Muluku, a naanaano khula okathi mmunepani mw'anyu. Etthu emosaru ntoko vano, okathi Masu anooniheriw'aya okhala Ekeekhai, mulawihe nto moone yahakhanle eekeekhai.

¹⁸⁰ Enamwi esisterna yarumeenle oratta-ene, yaahirumeela okathi aya oratta-ene; masi, nyuwo moone, Ephattuwelo y'Ekumi yaari vale, kahi ehimye ya Yakope tho, w'owurya wa eroho. Etthu awo yuupuwel'aya, wira yamalaru owurya vehimiyeni vale, vano, yaamukhala oratta-ene; masi vano Ephattuwelo y'Ekumi Ene yaakilaanthi vavale.

¹⁸¹ Vano hiyo kxanimphavela iyeettihelo ni mitthenkeso iyo hiyo nrin'ahu. Hiyo nri okathi wookiserya. Nto Muluku aahihimya, w'omalelani nno w'okathi, itthu Owo aarow'awe wira. Ni hiyo ninnoona seiyo omaliheriwa, wa Masu. Hiyo ninnimwiiwa mulopwana a ikuru s'ekhotto, ovenya, ni othukumela, ni wira, awo, "Etthu emosa ehanle wiiraneya." Hiyo ninnoona Eroho Yowarya enilopolaka wira etthu emosa ehanle wiiraneya. Hiyo ninnoona itthu sothene otthokihwiwa. Vano, muhiye eyeettihelo eyo murwe vEphattuweloni. Ayo, mulopwana.

182 Yaahirumeela yaatthuneliw'aya, masi vano owo aari niitho nniitho ni Ephattuwelo Ene.

183 Mwa Yohani 7:37-38, Yesu aahihimya mahiku ookiserya a nira na maxaaxa (Owo aahimnye exeni?), "Akhala mutthu ovoliwe ntthona, arwe wa Miyo, awurye." Ohoolo wa nikhuru na mateologo! "Akhala mutthu ovoliwe ntthona, arwe wa Miyo, awurye. Tthiri Solempwa soohimya, muhina wa mmurimani mwawe sinoovira miratthi sa Maasi makumi."

184 Vo yookhala Ephattuwelo y'ekumi. Eyo ti Ephattuwelo yeyo athu ahiyal'aya olelo. Mwaha wa eyaminelo, awo aahiya Ephattuwelo ya Maasi makumi. Mukihiye kiwooniheryeni Yowo. Owo, wa miyo. . . Nto miyo kinoomaliha.

185 Owo, wa miyo, ti Ephattuwelo yele yooponle ekumi ya Hakari, ni mwana, okathi yaakhwaas'aya mothakoni.

186 Miyo kinnaamini wira Owo ti Mwala yole, mwa Yesaya 32, Owo ti Mwala yole mulaponi mowuuma. Owo ti ntthawelo okathi wa epheyo.

187 Zakariya 13, Owo ti Ephattuwelo yele etthukuliwe Mpaani mwa David, mwaha w'etampi. Miyo kinnimwaamini Uwo okhala yeyo. Nyuwo khamunaamini? [Muthukumano onira, "Amen."—Mol.]

188 Mwa Masalmo 36:9, Owo ti Ephattuwelo y'Ekumi ya David. Owo ti Maasi ooriirya a David, ni minyepu sikithi. Owo ti Maasi mukerekhere wa muro, wa David.

189 Mwa Maphattuwelo 17, Owo ti nipele no omwaamwiha Abrahamu, El Shaddai. Masi okathi ekumi awe yaakhummy'aya mwa yowo, nlelo owo. . . Muluku oohimya.

190 "Mulopwa a iyakha emiya emosa, moota xeni etthu ila enrow'aya okhala? Miyo kihuuluvala, amwar'aka ahuluvala, sinweryaney a sai itthu iya okhala?"

191 Owo khwira, "Miyo ki El Shaddai." Vano, *El* ti "ni," nto—nto *Shaddai* "nipele" nto Shaddai ti yowaatta, yeyo enihimya "Miyo ki Muluku a mapele."

192 Ntoko mwana onvelavela ni onwereriwa, ni ikuru sawe soomalamala mwa yowo, mmuphiteerihe vatthirima v'amey'awe mmwaamwihe ikuru sawe tho. Vekeekhai. Kahi paahi. . . Okathi owo onaamw'awe, owo khanvelavela tho. Vanipeleni va maama, owo onkhala oohakalala okathi omphwany'awe ikuru sawe.

193 Nto khula mutthu ommukuxa natiri a Muluku mmurimani mwawe, wira, "Natiri t'awinyu, ni awaya an'inyu, ale ankhala ottaiwene, othene ale Apwiya Muluku ahu antthun'aya owiihana," n'uphiteerya vaavo vene ni waamwa ikuru sanyu tho. Mwana oovelavela, mwaamini yeyo! Eyo ti y'athu-owaamini.

194 Wa mulipa-olepa owaamini, miyo kinniweya wuupuwela isipo sinci-ene seiyo alipa-olepa anivahaly'aya. Aahikhala mmosa wa yawo iirale okathi uwo, Owo. . .

Yookhala Ephattuwelo yoosareya Ephome,
 Enikuxiwa mmutikani wa Emanuweli,
 Okathi anatampi ampwin'aya vathi
 mohuruwelani,
 Annaapweteya malepa aya othene oottheke.

Nawiye ole akhw'aka aahitthapela wona
 Ephattuwelo eyo nihiku nawe;
 Vavo miyo kinoowerya, hata kitakhalaka ntoko
 yowo,
 Orapiha itampi saka sothene.

Nto okhuma vavo ni wamini miyo kihoona
 muro ole
 Makhwatta anyu anvira annivaha,
 Ophenta onvuluxa t'ukhanle elavulelo aka,
 Ni enookhala mpakha miyo okhwa.

¹⁹⁵ Wa miyo, Owo ti Maasi a Masu Oovalaanyiha, yawo anoovaalanyihani nyuwo n'itthu sothene siri soovirikana ni Masu Awe. Eyo Ephattuwelo miyo kinaamini aka Owo okhala. Ayo, mulopwana. Wira, Awo ti Maasi akivalaanyin'he miyo ni isisterna soopakiwa n'atthu, kirowaka vEphattuweloni ya Maasi makumi. Oh, mpatthani, miyo kinniweya pahi . . . Nyuwo munoowerya orowa ohoolo n'uhoolo, n'itthu seiyo—seiyo Owo okhanly'awe wa hiyo! Owo ti Alfa, Omega. Owo ti Ephattu, Owo t'Imalelo. Owo t'Ule aakhala, yowo onkhala, ni onthuna orwa. Owo ti Yophuwa ni Osuulu wa David. Owo ti Ettheneri y'Oxaka. Owo t'awaka Othene mwa sothene.

¹⁹⁶ Nto, munna, murokor'aka, nyuwo mwira muhitonko okhalana e—e. . . Pahi okhala nwuryaka mwa etanki ila yoopakiwa ni mutthu, makhalelo anyu othene, vaasiisu ula muhinhiyerani etanki iyo munarwa vEphattuweloni va?

¹⁹⁷ Nuuramihe miru sahu okathi vakhani paahi. Ni miru sanyu sowuurama. . . [Munna mmosa muthiyana oopacerya wiipa ni nntaava nikina. Nipuro vah'itthu mufitani. Mutthu mukina onnitaphulela—Mol.] . . . mwa muupuwelo aka, wiihana wa waltari. Akavi vano?

¹⁹⁸ Miyo—miyo kaari othene oothukumela, miyo—miyo kaamoolekelihani nyuwo vanci-ene, yookithikiliha mutthaka aka ipantte-ipantte. Masi miyo kookupali wira Eroho Yowarya entthuna wira musuwele sana ele miyo enihimy'aka. Nwehe, khekhanle tho etthu yuulupalexu nihiku nla envikana okhala oratteene ni Muluku; moone, solya sahu, enakhalaru etthu p'itthu, etthu p'itthu. Apwiya ari vaava. Vano, miyo kiiwale eyo emara emosa paahi mwa makhalelo aka, opacerya okathi ula.

¹⁹⁹ Vano aka . . . othene anyu va, kahi “akavi.” Othene anyu va ale anthuna owurya Vaavo, avenye paahi minuwa mmosa paahi, wira nivekele paahi. Muluku ooreeriheni. Apwiya yooreeriheni.

200 Vano akavi mu, ari—ari vaava vano, yaatthuna wira, ni ntata osulu *sa*, “Muluku, mukele mwa miyo, mukisarihe paahi, mukihiye miyo kiwurye vEphattuweloni yela. Nto miyo vekeekhai nkinaire etthu yooreera, masi miyo—miyo kintthuna Nyuwo mukilevelele mwaha wa yeyo. Miyo kintthuna Nyuwo murapihe itampi saka. Ni muhiye—muhiye—mukihiye miyo, opacerya olelo, paahi. . .”? Nwehe pahi! Wulu!

Yookhala Ephattuwelo yoosareya Ephome,
 Enikuxiwa mmutikani wa Emanuweli,
 Nto okathi anatampi anipwin'aya vathi
 mohuruwelani,
 Annapweteya malepa aya othene oottheka.
 Annapweteya malepa aya othene oottheka,
 Annapweteya malepa aya othene oottheka;
 Nto okathi anatampi anipwin'aya vathi
 mohuruwelani,
 Annapweteya malepa aya othene oottheka.

201 Vano eyo, nyuwo muri muKristu owaamini, nyuwo moomukupali Kristu ntoko Moopoli anyu, masi nyuwo nlelo khamu. . . Vano nyuwo mwaaharineene, eyo ti Ephattuwelo. Ole Mmosa paahi miyo kimmusuwel'aka Epatthuwelo yeyo enikhuma mmutikani mw'Emanuweli. Vano, vaari wira ancienne a nyuwo mu. . .

202 Eyo vekeekhai eri ntoko miyo saalavul'aka ohiyu uwo mwaha wa murumasi ula mwamukhani eettaka mukhwipi n'alyakhu. Nto owo khatonko osuwela etthu ekina woohikhala alyakhu, masi aanisuwela wira yaahikhala etthu mwa yowo yaari yoovirikana n'alyakhu. Nto vano amey'awe khurwa amuxayaka yowo, nto awo khikhuwela musulu. Eyo waari wihana wa murumasi. Moone, owo aahana okhala murumasi, opacerya wene, weso khaarowa nnakhala osuwela eyiihanelo ele. Moone, owo. . .

203 Ehaana okhala etthu vo, yoophuwelihiwa, ahiso kheniweryaneya nnakhala okumiha Ekumi. Nto vaari wira Epyo, Masu a Muluku, ari mwa nyuwo, Eroho Yowarya eri vaava naanaano wira yinnuwihe eyo ni wira eruuhe Eyo mw'ekeekhai wa nyuwo.

204 Akavi mu ahinatthi waakhela opatiiso wa Eroho Yowarya, mwaamuvexa matata anyu? Othene mu, mapuro othene, vekeekhai a exariya, vaari wira nyuwo khamunatthi waakhela Eroho Yowarya, nave mwaanitthuna waakhela, muvenxe ntata nanyu. Nipuro pi nipuro mury'anyu, mukhale ni ntata nanyu osulu paahi, okathi vakhani paahi.

205 Vano miyo kintthuna, nyuwo mweemenle mwaawehaka yawo, miyo kintthuna mutthu mmosa wira muwiixathere matata anyu yawo.

206 Miyo kinnaamini naanaano va wira Eroho Yowarya enoomusariha khula mmosa wa nyuwo onttthuna Yeyo. Vano muhuupuweleke eyolya vate vale murestaurante. Nrowe nuupuwele Eyolya ela va. Ele ti Emosaru. Ela Ekumii. Moone, ela Ekumii.

207 Vano murukunuwe, khula mmosa a nyuwo, ni mwiixatheryane matata mmosa ni mukh'wawe. "Vano awo aawixatherya matata aya akina!" Vano miyo kintthuna nyuwo mmuvekelele mutthu uwo nyuwo murina'nyu ntata. . .

208 Vano muhuupuweleke okhuma. Muhuupuweleke hat'etthu ekina. Muupuwele paahi, naanaano va, Eroho Yowarya eri vaava wira emusarihe khula mutthu. Mutthukule murim'anyu, mmwaraxe maasi othene a musisternani, nto mwiire, "O Ephattuvelo y'Ekumi, murwe mwa miyo. Mukisarihe, O Pwiya Muluku, ni mureerelo Anyu ni ikharari."

209 Pwiya Yesu, Ephattuvelo ele ehinimalihey! Miyo kinvekela, Muluku, wira Nyuwo mmusarihe khula mmosa wa awo. Wira Eroho Yowarya emorele mu. Miyo kinvekela, Muluku, wira hiyo niliyale sothene sa etthu ekina; wira Eroho Yowarya emorele eriyari ahu, naanaano va, ni enivahe Maasi yawo a Ekumi, mahala, akhumaka mapuro othene. Munivahe yeyo, O Muluku. Okathi otth—otthikela wa mavekelo n'esipo, sinkuman'aya vamosa, Pwiya, nisuwelaka wira owo Mukhalelo Anyu, Mukhalelo Anyu w'Omuluku, hiyo ninthuna orwa vEphattuveloni. Hiyo ninthuna opatiiso, w'ekeekhai wooreera ni Eroho Yowarya. Pwiya, atthu ala anvekela Yeyo. Miyo kinvekela wira, okathi ula naanaano va, wira awo asarihiwe ni mureerelo ola wa Muluku. Munivahe yeyo, O Muluku. Mwiiwe mavekelo aan'Inyu. Wira Nyuwo murwe mmukhaleloni mwaya, wira Owerya wa Muluku, ni Eroho Yowarya, waamane. Munivahe yeyo, Muluku.

210 O moota nnoxukhuru-ahuni Nyuwo mwaha w'eriiryelo, mwaha wa Mukhalelo wa Muluku oowerya a Wirimu, oniphwanyaneya eriyari ahu! Okathi ene yola w'oxekuwa, Pwiya, munilyihe! Pwiya, hiyo ninthuna Yolya ya vameesa Vanyu. Munilyihe, Pwiya, naanaano va. Munilyihe ni Eroho Yowarya, makhalelo ahu. Minepa sahu soovoliwa sowuuma sirina ntthona. Sintoko Nyuwo muhimaly'anyu motaphuleliwani w'esipo, "Eyo yaamurowa omwaraxela maasi vathayani vowuuma." Muhiye yiraneye, Pwiya. Muhiye Masu Anyu akhale owooniheriwa mmurimani wa an'Inyu, "Maasi vasulu v'etthaya, yowelela yowuuma." Muluku Ohinimala, mwiiwe mavekelo a murumeyi Anyu, ni munivahe Eparakha yeyo. Amen.

Oh, moota onimphent'aka Ye- . . .

211 Mukhale mmuvuwihaka paahi Yowo vano. Musuwele, Eroho Yowarya eri vaava. Nyuwo mwaahaakhele Eyo, owo mwaha anyu.

Moota onimphent'aka Yesu,

“Nyuwu munnikiphenta Miyo waavikana ala?”

. . . onimphent'aka Yesu,
Okhala wira Owo ookiphenta miyo toko.

Oh, moota onimphent'aka . . . (Attotopeliwe
Muluku!)

Oh, mota miyo onimphent'aka . . . (Ankhi Owo
arwa okathi ene yola?)

Oh, moota onimphent'aka Yesu,
Okhala wira Owo toko ookiphenta miyo.

Miyo nkimmuhiya Owo,
Miyo nkimmuhiya Owo,
Miyo nkimmuhiya Owo,
Okhala wira Owo ookiphenta toko.

Ooreeraxa, ooreeraxa, ti Yesu wa miyo,
Namiruku, Mwene a Murettele, Muluku a
Ikuru ti Yowo;

Oh, akopolaka, akisunkaka mwa etampi
yothene ni ehaaya,

Ooreeraxa ti Nvuluxa aka, nivuwihwe
Nawawe. . .

²¹² Nrowe nimwiipele Yowo vano!

Ooreeraxa, ooreeraxa, ti Yesu wa miyo,
Namiruku, Mwene a Murettele, Muluku a
Ikuru ti Yowo;

Oh, akopolaka, akisunkaka mwa etampi
yothene ni ehaaya,

Ooreeraxa ti Nvuluxa aka, nivuwihwe Nsina
Nawe!

²¹³ Othene ale anoona yeyo, yiire “amen.” [Muthukumano onira,
“Amen.”—Mol.] Oh, aléluya! Miyo kinniwoona athu akina
akelaka vano, ni Eroho Yowarya.

Miyo kaahinto orimeela, vano koophwanyiya,
ootaphuwa wira kihilamuliwe,

Yesu onnivaha otaphuwa ni woopowa
woomalela;

Akopolaka, akisunkaka mwa etampi yothene
ni ehaaya,

Ooreeraxa ti Nvuluxa aka, nivuwihwe. . .

Nrowe nivenxe matata ahu vano nto vekeekhai ninvu- . . .

Oh, ooreeraxa, ooreeraxa, ti Yesu wa miyo,
Namiruku, Mwene a Murettele, Muluku a
Ikuru ti Yowo;

Oh, akoopolaka, akisunkaka mwa etampi
 yothene ni ehaaya,
 Ooreeraxa ti Nvuluxa aka, nivuwihwe Nsina
 Nawe.

214 Nyuwo munnimpenta Yowo? [Muthukumano onira, “Amen!”—Mol.] Oh, vaareera! Yoottotopeliwa ekhale Ephattuwelo ele yoosareya Ephome, vaavo antampi onapwetey’aya wova wothene w’atthu, olamuliwa wothene, ootaphuwa paahi mwa Yowo. Aleluya! Oh, wulu, eyo vekeekhai ti yooreera!

215 Vano okathi oniip’ahu yeyo tho, nrowe othene aMetotista, Paptista, Katolika, Prespiterianu, enakhalaru, okathi hiyo oniip’ahu ila, “Ooreeraxa, ti Yesu wa miyo,” nrowe nirukunuwe nto nivahane matata mmosa ni mukina, pahi nikhalane otakanxana wa khalai wooreera. Nyuwo moosuwela, miyo, eyo t’ile enikisivela. Nrowe, nrowe niipe yeyo vano okathi oniir’ahu siiso.

Oh, ooreeraxa, ooreeraxa, ti Yesu wa miyo,

216 [Munna Demos Shakarian onlavula ni Munna Branham, “Munna Branham, miyo kookhalana nuulumo nimosa mwaha wa Mukhulupale Johnson, aakuviheriwe oxipiritali ni onweryaka murima, nto khino hiyo naahaana onvekelela n’ilapo ahu.” Axinna anlavula yeyo. Mutthu mmosa onira, “Niwehererye minutu mmosa.”—Mol.]


Ooreeraxa, ti Yesu, (eyo ti yooreera)

Oh, Namiruku, Mwene a Murettele,

217 [Munna Shakarian onlavula tho ni Munna Branham, “Mukilevelele, mukilevelele tho, nyuwo munnithuna okhuruwa minutu mmosa paahi?” Munna Earl Prickett onihoolela muthukumano wiipaka, *Ooreeraxa*. Nipuro vah’itthu mufitani. Muthukumano oniipa *Wokhala Muro Wa Ekumi*. Nipuro nikina vah’itthu mufitani—Mol.]

Bibilia ohimye wira, “Mwaavekelele ale arina okhulupale.”

218 Tith’ihu a Wirimu, hiyo nri w’otthuna woohiroromela mwaha wa muhooleli a elapo ahu, Mukhulupale ahu. Owo poti ahisuwelaka ela, Pwiya, masi Nyuwo munnisuwela eyo. Miyo kininkelele Munna Johnson, ntoko owo onihimy’awe okhala oowaminini Nyuwo. Nto, Tithi, owereiwa murima, hiyo ninnisuwela, wommana yowo. Miyo kinvekelela, Muluku, mwiinanele ekumi awe. Hiyo nri mu—mo othoiwa wa mulaponi naanaano va, khula enamuna. Nto muhiye Eroho Anyu erwe mwa yowo, Pwiya. Nto naanaano va, oxipiritali wala khula nipuro vary’awe, nto muhiye Eroho Anyu ekhuruwele Exipiritali ile Walter Reed ekwanye erutthu awe, yiinanelaka ekumi awe. Pwiya, mulopwan’owo ori oovelavela, oovelavelaxa ovikana ele hiyo entthokelel’ahu. Vano hiyo ninvekelela, Muluku, ntoko athu-

oowaamini ni ntoko nloko n'elapo yela, hiyo nininkelela muhooleli ahu, wira Nyuwo munvahe wincereriwa w'ekumi, okathi ula muulupale, mwa Nsina na Yesu Kristu. Amen. 

ISISTERNA SOOPHWEYASA EMK65-0123
(Broken Cisterns)

Mutthak'ola wa Munna William Marrion Branham, opacerawene olaleeriwe ni Enkelesi Esaapatu vaasiisu, mahiku yettata 23 mweri wa Janeiro, 1965, mwaha wa olya wa vaasiisu wa ilapo sinci-ene w'Opatthana wa Mulaponi wothene wa Alipa a Nakoso a Ehapari yooreera yoomalela oRamada Inn oPhoenix, Arizona, wAmerika, okuxiwe wookaravariwa mufitani ya makineti khulempwa wothene ni nntaava n'Ekelesi. Otaphuleliwa nno mw'Emakhuwani okumiheriwe ni okaiwe ni Voice Of God Recordings.

EMAKHUWA

©2019 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Copyright notice

All rights reserved. This book may be printed on a home printer for personal use or to be given out, free of charge, as a tool to spread the Gospel of Jesus Christ. This book cannot be sold, reproduced on a large scale, posted on a website, stored in a retrieval system, translated into other languages, or used for soliciting funds without the express written permission of Voice Of God Recordings®.

For more information or for other available material, please contact:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org